

طارق ياسين

وضوح أول

شعر
شعبي


الف ياسين
Alf Yaseen

وضوح أول

المؤلف: طارق ياسين
الكتاب: وضوح أول (شعر) -
تقديم: سلام إبراهيم

- صدرت النسخة الرقمية: تشرين 1 / أكتوبر 2025

الذكرى الخمسين لوفاة الشاعر

- الطبعة الأولى 2013 - دار ميزوبوتيمبا - بغداد - العراق

- الناشر: «ألف ياء AlfYaa»
- الموقع الإلكتروني: www.alfyaa.net
- جميع حقوق توزيع النسخة الرقمية بكل التنسيقات (PDF، ePub و/أو أي تنسيق رقمي آخر محفوظة لـ «ألف ياء AlfYaa»
- جميع الحقوق الفكرية محفوظة للمؤلف
- يعبر محتوى الكتاب عن آراء مؤلفه.
- «ألف ياء AlfYaa» ناشرة للكتاب فقط وهي غير مسؤولة عن محتوى الكتاب



- تصميم الغلاف والإخراج: طالب الداوود

طارق ياسين

وضوح أول

شعر شعبي عراقي

الفهرست

7	مقدمة: في تجربة الشاعر طارق ياسين
23	حلب بن غريبه
56	خيطة العمر
58	وضوح أول
65	يا نديمي
67	نزيف
71	سد مأرب
72	جواره
73	الريح
74	أعبر وحدك
76	رمش كتان
78	مواغد غضب
82	حلم
84	البغي
85	مطر
86	الطير والصيد
87	موقف آخر
88	الى.. ابراهيم زاير
90	الصورة
91	عاده
92	وين رايح
93	وصف
94	نكته
95	أستدراك
96	اسطوانه
97	أبحار خطر
98	تجربه
99	لا امثال
100	دعوه
101	حوار
102	فرح ضايح

104.....	أشواق تحترق.....
107.....	مرّه.....
109.....	مشروع قصيده غنائيه.....
113.....	أسوار بلا مدينه.....
116.....	مشروع قصيده.....
118.....	نزهه.....
122.....	زائر غريب.....
124.....	غزل.....
125.....	زينب.....
129.....	لا خبر.....
133.....	قطار الألم.....
137.....	التعب.....

مقدمة

في تجربة الشاعر طارق ياسين: أشعار تحاور الوجود البشري وكائنات الطبيعة

سلام إبراهيم

تتفرد تجربة طارق ياسين الفنية في أشعاره المكتوبة بالعامية العراقية كونها اتخذت مساراً مختلفاً عما هو سائد في الستينيات حيث انشغل جلّ شعراء العامية المجددين بالهم السياسي المشوب بحماس ثوري رومانتكي مستمد من أفكار اليسار الماركسي التي كان لها شعبية واسعة في الشارع العراقي وقتذاك، منطلقين في الفضاء الجديد، الذي فتح بابه الشاعر مظفر النواب بما أحدثه من تجديد ارتقى بالقصيدة القديمة والأشكال الشعرية التراثية، كالموال والأبوزية إلى بنية لها القدرة على استيعاب الهموم المعاصرة، خالقاً تياراً شعرياً

جعل الكثير من المواهب الشابة تحاول تقليد القصيدة النوابية الحاملة بالتغيير الثوري والمبررة لقيم النضال والشهادة بأسلوبها المشحون بالعاطفة المثيرة للهمم وممتانة بنائها الجديد المبهز. فكانت ضوءاً شديداً السطوع " أقصد قصائد مظفر" أعمى مجاليه والأجيال اللاحقة، إلا ذوي الموهبة الشعرية الراسخة الذين تمكنوا من إيجاد أصواتهم الخاصة وأسلوبهم المميز، أذكر منهم على سبيل المثال، كاظم الرويتي، عزيز سماوي، شاكر سماوي، علي الشباني، كاظم الركابي. وهؤلاء بدورهم حاوروا المنقذ البعيد الذي بكفه مفتاح الأحلام والثورة، فاكتظت قصائدهم بالمخاطبات الموجهة إلى الذات الغائبة والموضوع والروح في تناوب الملامة والتذكير بالأمجاد وبرموز النضال الثوري على مد التاريخ، الأمام الحسين "ع"، جيفارا، هوشي منه" لشحذ الهمم، مخاطبات تحولت مع بوادر المد اليساري إلى مراتٍ حزينة ابتدأها النواب أيضاً في قصيدتيه "ليل البنفسج" و "روحي" ناعياً الحلم المقتول بشجن محبٍ دنفٍ فلامس لوعة أجيال عاشت تألق ذاك الحلم وانحساره، وبأسلوب جديد نأى عن المباشرة في قصائده الحماسية مما جعل القصيدتين المذكورتين ترتقيان إلى مصاف الهم الإنساني الشامل، فظلنا متداولتين جيلا بعد جيل. إن قصائد الخيبة المظفرية، والتي لم تخلُ قصائده السياسية الحماسية من ظلالها، عبرت عن نبض الناس في تلك الأيام ومزاجهم. فنبتت فنياً لموضوع سيصبح لاحقاً محور الجيل المبدع من شعراء المدرسة الحديثة في العامية العراقية وشغلهم الشاغل. فكتبوا العديد من القصائد المحاورة للحلم البعيد بحماسة منطقتة ورجاء خائب، ومن أشهرها "خسارة" لعلي

الشباني المنشورة في "خطوات على الماء" 1970. و "أغاني الدرويش" لعزیز سماوي المنشورة في ديوان يحمل نفس الاسم عام 1973 في بغداد. وضعت القصائد المذكورة والتيار الذي خلقته الحلم الثوري بمصاف الأحلام العسية المستحيلة في قراءة دقيقة للواقع ولما يعتمل في أرواح الناس من هاجس ورعب يكمن في أيام قادمة، فيما خطاب اليسار العراقي غارق بتفاؤل موهوم أورثه مذبحة وعزلة.

على الرغم من أن طارق قد كتب قصائد معدودة تدور في المحور المذكور، بتأثير شرطه الاجتماعي وعلاقة الصداقة المتينة التي تربطه بشعراء هذا التيار، إلا أنني وجدته في مخطوطة ديوانه مشغولاً بالإنسان كوجود ملتبس، وماهية غامضة، يكتظ حباً واغتراباً في وقفته الحائرة إزاء ما يجري. حتى قيل إن طارق ياسين الإنسان كان مرعوباً في تلك الأيام فيقضي أياماً دون الخروج إلى الشارع رغم مظاهر الديمقراطية الزائفة وقتذاك أوائل السبعينات. يظهر هذا جلياً في قصائده إذ يبدو أنه أطل التأمل حتى بلغ كوة الرؤيا، وحكمة الصمت، فلا جدوى من الحلم في زمن الطوفان:

إختبي بكلمة تفهمك

واحقر كل الكلام

لم يصل شاعرنا إلى فضاء الصمت الجليل، صمت الأمكنة المقدسة المثقل بالمعاني، صمت ليل التوحد بالمجهول دون تجربة دامية ميدانها الذات الكاشفة وهي تغور في انعكاسات ذلك الكم الهائل من الرعب والدم المسفوح في وعيها الباطن. مضاف إلى وعي الشاعر المطلع جيداً على تاريخ بقعة وادي

الرافدين الدامية منذ فجر التاريخ. ففي قصيدة من جميل
قصائد العامة العراقية المعاصرة تتناص مع رؤيا النبي نوح
تصور لنا بوضوح نادر وبلغة لاهثة ترينا المشهد لا على
شاشة بل حياً نحسه بالجسد، الشاعر وهو يدور مثل مجنون في
المدينة محذراً من عاصفة ستطيح بالكل

فَرَيْتَ المدينة بليل

فَرَيْتَ المدينة وخبطت ع البوب

كُتِلْتُمْ إجتِي الريح.. دهو البوب

أخاف الريح تخلع بوبكم ونظل دشر

وأدور بينه أدور

وكل واحد يحط لوحه على أكتافه سفينة وينتظر طوفان

وگلتکم.. وگلتکم.. وگلتکم..

وگلتوا هلّولّد حلمان!.

هذه الصراخ المجنون المتنبئ كان عام 1972 أي قبل وفاة
الشاعر بثلاث سنين. رؤيا تكثف الهاجس الشعبي وقتذاك
المرتاب من تحالفات القوى السياسية. رؤيا وأشعار كانت غير
مقبولة وليس لها منفذ للظهور في الصحف والمجلات. أما ما
ظهر منها فهي أما متشائمة لمن توقف عندها وأما لم يلتفت
إليها أحد أصلاً.. في ظل ذلك الضجيج الأيدلوجي الصاخب،
سلطة بعثية قومية متحالفة مع أحزاب كردية قومية وشيوعيين
ماركسيين على وشك التحالف. في ذاك الزمن صرخ إنسان
طارق المتأمل وهو يركض قارعاً الأبواب. بعد أكثر من ربع

قرن على وفاة طارق ها أنذا أراه حياً يقف بهذه القصيدة
الرائية شاهداً على بحور الدم التي ساحت لاحقاً في الحروب
والزنازين التي آلت إلى خراب العراق وتسليمه بشراً وأرضاً
لمحتلّ جاء بحجة إنقاذنا من أبناء جلدتنا القساة الذين أصابهم
الصمم.. فماذا يفعل نوح الجديد "طارق ياسين" وهو يركض
بين الأبواب ويقرع.. ويقرع صارخاً ماذا يفعل إزاء صمم
الذات الجماعية العراقية ولا مبالاتها.

ولا واحد سمعني قلبي أنشغ

ولحم اچفوفي وگغتہ ابدرايين المدينة

وانهره من الدگ

وفريت المدينة بليلى.

ماذا غير الصمت والانطواء على الذات العارفة؟ لقد
أشكلت الدنيا على طارق، فلم يتزوج، ولم يكن سوياً في يومه،
إذ ذكر لي العديد من أصدقائه المقربين انه كان ينام أياماً عديدة
ناسياً كونه معلم مدرسة. وكان يرفض رفضاً قاطعاً النشر في
صحف الأحزاب، وعندما نشر له أصدقاء مقربون جداً
قصيدتين قصيرتين "سد مأرب" و "الباب والريح" في صحيفة
الحزب الشيوعي العراقي العلنية وقت الجبهة الوطنية في
السبعينات "طريق الشعب" أهتز كيانه ذعراً، فتوارى عن
الأنظار وكأنه سيعتقل غداً. كان واثقاً من الضياع والخراب.
فوصل إلى ساحة عزلته متحدداً مع الصمت والجدران واثقاً من
الغياب، وضياع الإنسان بين أسوار الدنيا. ففي قصيدة تتناص
مع قصيدة لكفافي عن رجل ينتبه من شرود ليجد جدراناً صماء
بلا نوافذ ولا أبواب بنيت حوله وهو غافل، فيتعجب كيف لم

يسمع ضجة البنائين. لكن إنسان طارق ليس ساهياً بل دؤوباً
يبحث في السور عن ثقب، منفذٍ يفضي إلى متاهة أسوار..
يبحث دون جدوى، فالحصار مطلق، والوعي به حاد:

عبر أسوار بنيادم

إلحد ما ضاع بنيادم

إبين أسوار ما تنعد

لا تحضن مدينة ولا تحيط بشي

ولا تحوي .. غير بنيادم..

وظل محصور

من قصيدة "أسوار بلا مدينة"

في وحشة دنيا خاوية، قلب طارق ياسين الشأن البشري،
من انفراده في متاهة الأسوار والخواء، أيقن من وحشية
الإنسان والعالم - الغابة، في معادلة الأسوار المتاهة التي لا
تحضن مدن رمز التحضر. من عزلته المتحققة نصاً وحياء
تعمقت رؤياه الكاشفة.. وجودٍ بشري غارق ببحور الدم، ومتدله
بغريزة القتل البدائية. هذه الغريزة المتخذة أشكالاً متناسبة مع
تطور حضارة بشرية لم تغادر عنفها حتى الآن. الغريزة..
السور بين الشاعر والآخر.

والشمس حايط دم

يوگف بينك وبيني

ويعلو بعلو سنييني

لم تستق أشعار طارق نفسَها وتكوينها من التفاصيل اليومية

أو الصورة الوصفية الجميلة، بل أن رؤيته تتمحور حول اتجاهين: الأول، التفلسف والحكمة مما استدعى ولادة أشكال شعرية لم تعرفها القصيدة العامية العراقية من قبل، فمع انعدام المخاطبات الصارخة سادت الصورة - الفكرة في تأمل وجودي لا يني يثير الأسئلة:

وين رايح بالمحبة؟

أشكر رغباتك.. أمني تفوت

والدنيه أشكصفا

فتخلقت قصائد الحكمة المكثفة لخلاصة التجارب التي تذكرنا بحكم موالات الشاعر الكبير "حاج زاير" لكن هنا ببنية قصيدة معاصرة وبهم إنساني جديد وبشكل فني حر يبدو في القراءة الأولى غامضاً ملتبساً لعمق فحواه. ففي محور البراءة والتلوث نقرأ القصيدة التالية:

الغزاة اللي رسمها الظل

ما تشبه هذيج الواكفة ع التل

رجلي بفي رجله.. وعينها بعيني.. وبين أيدي

اووجهها الصدغ بعلو التل.

والثاني قصائد البوح الروحي للأخر بصورها الأقرب إلى شطحات المتصوفة، التماهي بالصديق العارف بأشجان الشاعر:

ظلي وظلك إيصرن رقم واحد

وأول شي يصح كل شي ويصح لا شي

تشبهني وأشبهك.. صرنه إحنه إثنين
من تضيع تلگاني.. وتلگاني من تضيعني
أو من نتلاگه أنه وياك نتضيع سوه ونحتار
تشبهني وأشبهك.. والشبه ثاني وضوح

أما حينما تستقي القصيدة التفاصيل اليومية فلا تكون
الصورة الوصفية إلا توكيداً للفكرة الفلسفية، فيلتبس مسار اليوم
بفحوى التفلسف والأسئلة وصولاً إلى حكمة الخواء، منتقياً
الأمكنة والأوقات المناسبة لحالة المتأمل المنعزل في مقهى
تطل على ناصية الطريق:

تتأمل وجه طفلة لعصر من جامه مكسورة
أو في الفراش الخالي قبيل النوم:

تفتكر ترتاح إيدك ع المخدة.. وراسك يفتر دواره

نمت وتخيلت نفسك نسر ميت طار كل عمره خساره

الاتجاهان المذكوران يوسمان قصيدة طارق اليومية، لكن
هذا لا يعني أنه أقتصر عليهما. إذ أنه خط في العديد من
قصائده القصيرة قطع لغوية جميلة وعميقة ممكن نعتها بقصائد
اللوحة، لوحة الزيت بكل ما تحمله في صمتها من جمال
ومعنى دفين في مكوناتها.. اللون.. الكتلة.. والحركة، فلغة
اللوحة نجدها عند رسام رومانسي معني بالطبيعة هادئة
تحرصنا على الحلم، ولدى آخر ذي قلب ضاج ومحتدم تجعلنا
نختض كما لو أن مسأً كهربائياً أصابنا. هكذا هو حالي عندما
وقفت أمام لوحة لفان كوخ في متحف بكوبنهاجن عن حقول

تلتف في حركة متلوية وسماء مضطربة الغيم والألوان ذكرني
مشهد اللوحة المتفجر بقصيدة قصيرة اسمها طارق ياسين
"وصف":

"الساجية من تعطل.. البستان يكفر

بالندة والماي.. وتعيط الزهرة

وتركض الأشجار بالشارع عرايا بغير خضرة!."

كما أن الحفر الصبور في الإنسان والحياة والتاريخ قاد
طارق ياسين إلى زوايا جديدة جعلت من بعض قصائده
القصيرة المحاورة للأمثلة التي يقال عنها "تضرب ولا تقاس"
بمثابة أمثال معنية بالوجود البشري الذي ينظر إليه طارق
نظرة ريب، فهو من ناحية لا يطمئن للعالم وبشرها، وفي
الوقت نفسه يشعر ببؤس كائناتها العاقل. ومن هذا المنطلق
العميق الغور نجده يقلب معاني الأمثلة عكس ما كان الناس
يعتقدون ليعطيها بعداً معاصراً من ناحية، ومطلق من ناحية
أخرى. هكذا يحول المثل الشائع عن طلب الإنسان الأمان
بتجنب المشاكل بقوله:

"الباب التجيك منه الريح سده وإستريح"

إلى معنى يشي بأن الإشكال ليس بالخارج والآخر وإنما
بالنفس البشرية الأمانة بالسوء على حد تعبير الآية القرآنية
الشريفة:

غالولي أتريد الصحيح:

كوم سد الباب الذي منها تجيك الريح

تخلص.. تستريح
وأسكتت لحظة وگلت

- ما بين روعي وبينى -

بره وجوّه ریح
لو أسد البره یمكن أستریح
لكن الباب اللى جوّه،
أشلون أسدها

وهیّه باب

وهیّه ریح.

أما عن أمثلة الشيء الكبير يمكن أن تحطمه أشياء صغيرة. وكان هذا المثل يضرب حينما يعي الإنسان الدنيا الظالمة. فيندب الحاضر الظالم بخبيث البشر الذين يشبهون الفأرة التي خربت صرح سد مأرب التاريخي الذي يبدو أنه كان جباراً في ذلك الزمن القديم ورمزاً للخير والخصب. كيف تحطم فخربت الدنيا بسبب كائن شديد الضالة "الفأر" صار في المثل رمزاً للشر. المثل يذهب به طارق ياسين إلى بعد أكثر هولاً حينما يتأمل دنيا أواخر القرن العشرين فيجد أن الشر المتمثل بالفأرة الحقيرة القادرة على خراب الدنيا قد أستفحل وعلا إلى حدود يحرضنا على تخيلها في قصيدته الصغيرة البليغة عن سد مأرب:

سمعت من القديم إبفارة خربت سد
وتأملت معنى الشر.. شفته ما إله فد حد

إن كان الشر بكد الفاره يفلش سد

أشكد يهدم لعد.. لو غده بكد السد!.

هذا التكوين الكامن خلف هذه الأشعار العميقة ينطلق من رؤيا شعرية تؤمن بكائن الصدفة المحدث نحو الوجود بعمق ولا مبالاة، وهذا المعنى لا يتأسس إلا بالتأمل والعزلة في بقعة وادي الرافدين الدموية التي وطنت في ذات الشاعر عبثية الحياة، حتى في معادلة الحرية والوجود التي تكاد هي الأخرى تكون محكومة بالآخر الشرير.. في معادلة يجعل من مطلق الطير - الطبيعة - في جوبانه في السماء محكوماً بطلقة الصيد - الإنسان - الرابض على الأرض، في قصيدة اعمق من حكم الأولين:

"الطير والصيد"

الطير غال للسمه إنتي.. مُلكي.. مُلكي

وگبل ما ينتهي من الياء الأخيرة

طار راسه بالسمه بصچمه ضريرة

هذا المنحي المتأمل بعمق الوجود بمعناه المجرد أي بالنظر إلى الوجود البشري كجزء من الكينونة لا مركزها كما تدعي الفلسفات في كل العصور. هذا المنحي الذي يقترب من التصوف وهو يغور في معاني الكينونة والأمكنة ودورة النهار والليل وغناء العصافير في أغباش الرب السرمدية، وخرير النبع الطالع من أحشاء الأرض. التدله في معنى الكينونة دون تفاصيل اليوم ومتاعب الشأن الاجتماعي هو الأقرب إلى روح طارق ياسين المتجلية بحيث استطاع الولوج إلى أعماق

الكائنات الصامته والتحاور معها في شأن الوجود بطريقة
تقترب من رؤية بودلير في أزهار شره وهو يحاول في
الصمت فهم لغة الزهور. لذا نجد أن طارق ياسين يفهم لغة
الأزهار والكائنات غير الناطقة. يحاور عصفوراً حزيناً مرّ به
في يوم ما:

أمس مريت وحدي

إبگاع مهجورة وسط گيعان

شفت بلبل غريب ومنفرد

باين عليه ولهان

گتله أشبيك حاير يا أبو الألحان

گال دتشوف هاي گاع

گتله أي أشبيها

هز راسه وصرخ... چانت گبل بستان.

قد يظن القارئ أن طارق ياسين شاعر ثقيل الظل بهذا الهم
الفلسفي والجديّة المفرطة في تأمل الوجود، لكن أشرت في
معرض الكلام عن عبثية طارق الجميلة في درامية الحياة
والموت والحرية والاستبداد مستشهداً بقصيدة "الطير
والصيد"، ومن هذا العبث نجد العديد من قصائد طارق ياسين
التي تبدو للوهلة الأولى وكأنها مجرد نكتة وهي فعلاً هكذا
بحيث انه أسمى واحدة من طرائف أخيلته المثيرة للضحك -
نكتة - وهو يسخر من الإنسان في محنته وهو يحاول إيجاد حلاً
مستحيلاً لمحنة يعرف طارق أنها أبدية فنجد بالقصيدة وكأنها

تغرق ضحكاً:

واحد يفكر.. زهگ من العرگ

راح يسبح بالنهر

شاف الجرف كله زلگ

دَبْ زرگ بأفكاره.. وهدومه وعرگ

وبهذه الطريقة يوظف طارق ياسين اليومي للبعد الفلسفي في رؤيا خالقة أبدعت علائق جديدة بين المفردة - الصورة - الفكرة، وبالتالي بنية القصيدة العامية العراقية الحديثة، ومن المؤسف أن تكون القصائد التي أتناولها في هذي الدراسة لم ترَ النور بعد رغم مرور أكثر من ثمانية وعشرين عاماً على وفاة الشاعر.

إن هذا المنحى المنفرد في القصيدة العامية الذي خطه طارق ياسين بتجربته الفنية انعكس على بنية القصيدة ولغتها فاقتربت من الفصحى اقتراباً بيناً مع استخدام مكثف لمفردات سكان المدن وانفتحت لاحتواء الهموم المستجدة مع تضخم مدن نصف حضارية طبعتها الهجرات الكثيفة من الريف والبادية بأخلاق هجينة:

الساعة وحده.. تفتكر تحلم بوحده

أملّي نومك بالتشهي.. واخجل بكد الأحلام

فداحة الحرمان وضغط الغرائز في ليل مدن قاسية، منغلقة قامعة للشهوات.

أرسم ع الورق زنجية نص الليل، عليها غلايد المرجان

واختل جوه إبطها.. وانجوي بخدها.

انعكست ثقافة الشاعر وسعة إطلاعه وتنوع اهتماماته الأدبية على أشعاره، فقصيدته استثمرت إنجازات القصيدة العربية الحديثة والقصيدة الغربية. نلمس ذلك بوضوح في قصيدة هي الأهم في مخطوطة أشعار طارق، ومن قصائد معدودة هي خير ما توصلت إليه القصيدة العامية العراقية التي تعطلت مسيرتها بسبب الصراع السياسي الدموي والحروب، فيأخذنا الدفق الحسي في الصورة الشعرية بغموضها المحبب المتأني من عمق الحالة الشعورية إلى لذة الذهول عندما يباغتتنا الجمال في وجهه أو في لوحة أو في مشهد طبيعي أو في شكل تجسد في حجر:

طلعنه من نهار البارحة متيهين

معنى الشمس واليوم وظلال الناس

بين وجوهنا وخط الشمس نافورة متعطلة

أو وجه طفلة..

مثل مي حوضها الراكد

وشعرها يضوي بالشارع

مشت خطوة عكس مجرى الهوه...، وداست إسامينه

وقدمها ترّصع بروحي.

أقدم خلال الصفحات التالية نماذج مرتبة وفق منهج التقديم منتقاة من مخطوطة أشعاره التي عثر عليها أصدقاؤه في غرفته بعد وفاته فجمعوها من قصاصات مبعثرة في دفتر

صغير أحتفظ بنسخة منه في مكتبتني منتظراً فرصة سانحة كي أقدمه للنشر.

* * *

حلب بن غريبه

كسرت حروفك الزرگه
وغمتت الشذره والدگه
بچني.. واملته الفنجان
وعيون العمر والذات المكدره
وزوايه العمر ظلمات..
والشرجي هواه خنگه
وشرگه ضوه ع الحيطان
ترسم مهره مهزومه... بحوافرها النبع
وبذيلها بستان
وسچين بضميري اتگص حشيش الها
فيافي او عود
مجروره عله قَيَّها.. وعود
تخلفها الليالي امچذبة ومصدگه
وسچين بضميري تگص

فيافي من الشته امفطره
وسچين بضميري تگرب الها الكاع
طگ السيسبان بروحي گامه وفوگ
وروحي مو صخر جلمود
ولا زرف الاذن رد التراچي...
ورفض ثگل الطوگ
ولهذا بذراعي وذاك أثر شبگه
حلب يابن غريبه ياغريب الموت والفرگه
حلب ياضي نواظرها اليشع بالچول
ومواجد ليالي السود
نعش سكتن بناته وسكتن الميزان
والعگرب بهت ضيها..وطفت عمدہ
حلب يابن غريبه..ياغريب الگللب...
يامصلوب فوگ اثبات كل ردّه
حلب يلي سوادك سفن زنجيه
رگص بيها الخليج وما نكص مدّه
واخذ من كل جرف مركب...
تجاره وگاع المحمره
وحنين امك... لاجه بدمك... خبز فقره

ولبن فقره
ابيض مثل كل ثوره
واسود مثل كل ردّه
سراها الليل بخيول الغدر والفلح.. والخدّام
والشيخ وشرطه الدوله
والناس الجثيره والهتاف العالي والصفّغه
ودرت حروفك الزركه برحي الشدّه
وطحنت غليبي... والحنطه
حلب يابن غريبه... حلب يابن الدرب الاظلم
وخبز الفقره من تحلم
من تتحسر... وتحلم
سفينه محمله بغرگاها بيني يا حلب..،
والهوه يگص الماي
وچلاب القرى تنابح على الدرابه... ياهو الجاي
انه امك (غريبه) چم جرح بيّ
عد واحد اثنتين، ثلاثه ما ادريش
چم لكزه جرح بچلاي
بعيوني بريح الفضه المتلجه...
ورفيف النجم والحبّوب

والصره وعباه الصوف المجلحه
واسمع وره كل برديّه صمت الهور
اسمع ع البعد نبجه
وبزردومي چم ذبحه
والعبره وعوي الواويه والظلمه...
وابني وياي
- يعني انت الجنة ياقلب بيني وياي -
عصاك بطولك اتفج العشب وتوسع الكمره
حلب وانت صبي ورجال
والرجال ما ينقاس بيني ياقلب يهواي,...
ياريع الغلب, بشواربه وعمره
حلب وانت صبي جيتك نذر للموت
للصلاّبه... للثوره
وابوك بگلبيه الابيض غاص...
ويه السمچ والحيتان من جوره بنفس غواص
فد نوب انگطع نجره
وعيونہ بگن محارتين ابيضون البصره
ابوك البلعته الحوته
وانطگ بحلگها يولدي ظهره

وما فاد المرافس والدفر, مات ابطنها

ودفر چم دفره

حگ ييني عليه الموت ونعينه

حگ ييني عليك الموت وتعينه

ابوك اظلم عليه گبره

واوسع من گبر جدك واهالينه

البحر گبره.. وضريحه الحوته

اجي لذچره بگلب معطوب

اجي والروح سمچه تلوب

اجي وگلبي شعب مشعوب

يتراب الدرب دميتك بجدمي،

وجرحت الدغل والخرنوب

وامك يا حلب ساعه ومالمتها كل دروب

وحيده وام ولد مصلوب

حزينه وام ولد غرگان

غريبه امك... غريبه وبگلبها اشگوب

اتشم بهدومك ايام الرضاعه وعمرک المنهوب

اتشم بهدومك الثوره,.. حلب والسوم

والجلدات البجلدك طبعهن - نصر -

يكتن حزن لليوم
وشطبه الخيزرانه بجسمك التعبان
دگه طبل للثوره
جز... جز... جز
دم... دم... دم
جز... دم
جز... دم... جز... ولهليوم
بچني وامتله الفنجان
وروازين عمري بلوعه الفرگه
نچرك سيل اجاني دگه الطوفان
وع الطوفان مامش لوح للعبره
وحدرو اللوح مامش ماي اليحدره
ولا املك سفينه... ولا حمامه ايدگ
جنحها بغصن من شجره
وتعود وحنحها ايرفرف بگلي
هله ابني... وآه من فرگاهك
وادري الآه... ما تثمر ثمر
تأذيني چلمه آه
وتفارك ضلع جاور ضلع - يوليدي -

چلمه آه

تطلع من زويه بگلبي مهجوره
اسيللها الدمع يوليدي چلمه آه
وفراگ الاوادم حيل يناحرني ولا انحره
وياخذ روحي جر ويذبها عوده بماي
إلك نجمه وحيده من العصر خلصت
وماشافت الليل ولانصت ع الحوش
والنجمه ضمير الليل
والنجمه دخله الليل
ياحلب يابن غريبه ياغريب الروح
إمشينه لهانه نروح
أنه وشبح موتك والسفينه الغرگت بجيئنه
نبنياها بخشب مجروح
ونسيسها خلها تروح
خلها تروح للبصره
اتگص الفرات اشراعاها الگمره
... السفتها اهواي
سفينه محمله بموتاها يبني ياحلب..
والهوه يگص الماي

وامك يا حلب عبره جلد...
والروح حره
وتهبع بلا راي
وحيده وجنك إنت وياي
عصاك بطولك اتفج العشب...
وتوسع الغمره
وحدر جدمك اينبع ماي
ولا چنك صرت رجال
ولا جرحوك.... ولا چتلوك
ولا ساووك بالحفره
وچن ما شعلو بيوت الفلح بالليل
ولا خيمه.... وعذابوويل
ولا ثوره... ولارده
ولا عطا ثيابي وشتموني
وعيروني بيبك ابن عبره
ولا شفتك بعيني بطولك ملولح على السدره
... بعمر عريس
... وحصران الحزن وجت
وكل اجهالنا تشردت

واندجت بروحي بيوتنا الطين
وطفت كل الفوانيس
وعلكن ثيابنا فوانيس
وعتمه الليل والطين
وعتمه الليل لو تعكبها ضويه ما اظنها تنظم
لچن يا حلب يا مكحله عيني الظلام الجحيم
وصارت روعي شبه السجن... آه
والسيم عالي السيم
حلب يابن غريبه يا وسيع العين
امشينه لهلنه ياحلب نرجع...
جيب وياك عصاه التنوش الگمره
وازود نوش
وآنه وشيح موتك، ...
والشمس نربطها ويه الهوش
بلچن يا حلب نحلبها من تشبع گصيل وماي
خل تسرح وتندل المراعي الواسعه الخضره
ياحلمان بالحلم الجبير ودوله الفقره
(ما مش دوله للفقره)
حلب يبني التجارب مالهن صاحب

... حلب كل حلوه كل مره

اصفن الها وياي

يا نبع الكلب يا في نضح بالصيف من حره...

إشبيرد معاي

حلب صاح الفرات وجاوبه الشاطي الحزين الطين

واندجت فطره الطين بيّه، وفطراها الصوت

وشبت نخله عريانه بثياب الحيا والموت

واظل اطرگ وگت والوگت شيخثره

حلب هذا الفرات جناح الي وغايه

وسرير اخضر وخنياه

وفرّح عريس لاح بعين خطابه

وخزنت ماي عله جتفه وعطش لاحبابه

وشبع گلبي حجي وجور الدهر منهم

والعباره گيلت بيهم...

وتم الغصب ينگل زمط واخبار جذابه

ومعبرها تم أیکشخ بروحه... ونفخها جراب

حلب والثوره نگله سمچ زرگه ودهن ماذاب

والبط گفف بيض اتعبر النا اجلم عليها ثياب

ويفوت الهوه مثلچ عليهن مثل مي الهور

بارد مثل قلب الهور
 يلجح مثل شمس الهور
 يجذب مثل حلگ الهور
 يجرم مثل مي الهور
 يجزع مثل بطن الهور
 يجزع مثل مي الضاج بيه الهور
 وافته يا حلب بين الحزن توگع
 بحلگ الهور
 بحلگ السمچ خبزه ماي
 وعصه الخنزير بالبردي
 وخرخش جلده بالبردي
 ولبس طوگبرگفته، طوگ مي ودم
 ونصت فوگه ططوه ليل خوافه
 اعله فيها الدم
 او فيها اتكسر شبه الزجاجه، ..
 وعله البردي التم
 والططوه الخنيثه تواكح الخنزير
 من يوگع بحلگ البير
 وبدم وضباب اخضر وليل تطير

وره جروحه شماته تطير
وتجيب الوگاحه الحمرة للخنزير وتودي
شچن گلبه ثلث ليطات
من ذاك الغصب والدمعليهن نشف...
مثل الدم
وانهم الغلب من ذيج...
وتغيرت اسامي الهم
وانهم الوگت والطين، والنجمات ضوّن دم
... وانهم الغمر... وانهم حتى الهم
ويمر الهوه الشرچي على الغصابات
يصفر... يزفر الآهات
ويصفن چم صدر وينوح بيهن ناي
ناي الغصب... صدر وحنجره ولهات
ويغني امحمداوي الماي
ظلوا بالنده يطوطون
ويعبرون ويه الوعد الاخضر مستحه وكمون
وجوگه طيور يعلن فوگ صدر الماي
ما بين السما المزرگه فوگ الماي
وفصلن الك جنحهن من الغمره

دشداشات شذري مطر زات ورود

ويفصلن من الظلمه الفضيّه، ...

هدوم لامك سود

يلموتك بعيد شما اچيله،..

يضل درب مسدود

ويظل مثل محبس سحر،..

لا مفگود.. لا موجود

ويظل بين چانوكتر ومفاتيح

ويظل درج عالي ايحط وراه گبه

ووره الگبه.. درب يطلع عله الغربه

والغربه وسيعه وما عليها حدود

والغربه وسيعه وما وراها حدود

هله ابني.. احچيلي ع الغربه

عله الما دگوا حجاره، عله اهل الحد

واول ما مشوا شتموا الملحد... ع البنيه

عله الخيال ابو زبون الترف،

يطعن سعالوا النهر والروجه

هله ابني... احچيلك وما ينلحگ غوجه

وسيفه يعيط من يحمر

شفته يگطع الخباز لريوگه, وعشاه گنبر
والگنڦذ نجه بجلده

ولچه بعاگوله نزع ت شوکها بجلده
وطلعت بالشمس فالوله, ظلت تکبر وتزغر
وعش گنبره, وحیه تبیض بزاغور
وحیه اتفح فحیح اصفر
وبتوت الحره وترجيتها باسمك الغالي...,

تصیح محتامه

کسر فیها عله لحم الرگبه وتعرت
کسر فی التراچي اعله الچتف شامه
کسر من عام الاول حبها وانهمظمت
وتعلت ابرگان الذهب, ام عروه الفضه
وتمرت بجاري الماي عشر سنين
ولبست کل تراچيها
ونزعت کل تراچيها
وعکطت کل تراچيها
وتحاجي الحجاره البلدر ب من تمشي رجليها
هله ابني وانت صاحبها
هله ابني وانت واليها

گلي يا حلب يا روحي وين الكاك
 لاچي بيا جرف ما گول وألچي وياك
 وادبي وياك فوگ العشب
 ... فوگ الطين دبي الدود
 واجيك ازحف عله اركبي
 واشوفك چم زلغ بيهن اركبي السود
 وين الگاك ؟...
 بديك العصايه تهارف الخضره وطيور الماي
 وحجاياتك ايلحنن كلام الماي
 يا حزن العراق بروحي ذب روحك حزينه
 اعرفتك بول سنه اتهجهجت بالتاريخ
 حزينه اول سنه اتهجهجت بالتاريخ
 حزينه اول سنه.. اتظل توثب وتنجخ
 يا اول حزن غرگ سفينه نوح
 يا اول حزن نجه سفينه نوح
 يالعمرك عجيب شما تدوم تروح
 يلعمرك عجيب شما تدوم
 يا اول نهر ميک هني ومسموم
 يا اول نهر ميک هني ومسموم

يا اول سفينه بيه كومه زروف
 ضعت بليل ضيعة خيط بكره اسود
 وعيون التدوره ارچيچه دوب تشوف
 يا صخره تكسر فوگها سيوف الدهر...
 والماي جرح سيوف
 جرحني الماي الاخضر... دمي طين احمر
 نشف باول سنه او ودوه للكواز
 وتسگم خزف واتفخر وانكسر وصار اگحوف
 يا حزن الشمس من تعثر بمي راكد ومرمر
 يا حزن التمر من ينطبخ بالحر
 يا حزن السعف والكرب من يشيخ
 يا عيطه ومنتلكح وما تنصعد ما تنظر
 يموكع اباطي بنده ومشراگه...
 بخير وشر
 يشر وخير
 يحبه قحط تعرض بحوصله كل طير
 يطعم الخبزه، يا كمع اللبن.. يالحم الخضيرو
 ينغزه جوع بالزردوم
 يا شمل العطش من يجمع عالماي

يبیر الهدم من جر الحبل راگه
 یحبل الحزته صخره
 ونشفت ریگ الی جرّه، وماي ما ضاگه
 یبیر الصوت بیه اظلم
 عرفتك ز عتر وصییر
 عرفتك غید جنه و حور
 عرفتك والسواجي اعصاب ما زومه
 عرفتك والجروف جروح ملچومه
 عرفتك.. ما عرفتك مسجد بطینك
 وحجارك قداسه ومز عجائك نور
 عرفتك كل وگت ینبوع
 یرهم عالعطش والجوع
 عرفتك كل وگت تنطی الجزیره...،
 ارمالها وغزلانها
 وبيت الشعر والكرطه والجربوع
 عرفتك ذیب تعوي...
 وع الرمل لحمه زند آدمي وبعض أضلوع
 عرفتك صگر لاحگ طیره مهزومه
 عرفتك تایه بلیل، وتخاف الضوه، بومه

عرفتك يا حزن بستان
 عالي ما وراه حيطان
 عرفتك روح عرفتك ما عرفتك
 هلبت يا حمام الحضرة اشوفك، ...
 تنچسي وتنبت عليك الريش
 واباطك تگضب الجنحان
 هلبت يا حمام الحضرة يا مبخوت
 تقبل نذري وتبينه على الحيطان
 هلبت... هلبت تكبرين يا گبه...
 وفوگاچ الحمام يروش
 والگاع الدشر حيطان
 صدمن عيني واتشلبهت بيهن سور
 عرفتك بقچ تزهي ازروع وفدادين
 ومكاين تنحشر بالطين
 عرفتك كتب بيض، وغير بيض
 وناس مهمومين
 عرفتك دين، مابيه شعره من الدين
 واعرفك ليل احبك واحلمك واصحه
 واشوفك ذاك انت ا نجومك امجرحه

وضواها دموع فوگ الطین
 ویمر تموز حار بحار
 ویگل لشباط.. یشباط اگعد انتانی
 برد تشرین
 الحزن تفگه انگلیزیه رمت عشرین
 والعشرین خیط الحگ
 اعدهن والهوه یکرکر وره الیاخات المدهنه
 عله دلوع الصدر والركضه المدخنه
 والمطبخ سمن لحمه بجلگ هر نه
 اعدهن والهوه ینلام
 اعدهن عام یملص عام
 وزمان النذل ما خصنه
 حلب والكرنه كرننته
 حلب والكرنه گرنه حتی لو ما یلتگی بیها الفرات...
 ودجله هیه الگرنه وتگرنه
 مشینه.. مشینه, من جینه کطعنه افجوج
 مفجوجه او وراها افجوج
 والظلمه السریعه ظهور خیل وما علیه سروج
 مشینه الگمره طیره، ضیعت عشا فوگ المای

وتمت بالحنين تلوج
 اهدها وتدفر بگلبي عواشرها اللي طلعت عوج
 برس... نموس
 مرجون بجعب غنوس
 بين الفضه والحاجب چلمه الله، ...
 أچکها بصدري بالدنبوس
 یمن لفه فخذها لبه الجمار
 ومن ورده ابطها الحاره، ...
 اتبوّخ وتغلي ابيار
 حلوه ورايجه وما ينطلع بيها باولاد زغار
 حلوه عمر اتبسبس باذان الهوه...
 من ایدش عليها الدار
 دمعها يا حلب يجفي الجدر بالنار
 اعصّب راسي بالگمره من شان يطيب
 لميت بدليلي يا حلب حزن المغارب...
 والشمس توها تريد تغيب
 المك والوگت طشآش
 المك والوگت تغريب
 المك بيدي صم زبيب

واطشك بالليالي نجوم
 افر بيك من اشوفك نازل من الله
 وانزل فره دواليب
 احب عين اليشد راسي، واحطك بيه
 چي شد الغريبه ما يمظش بيه
 اجلبنك يليلي 12 تجليه
 اجلبنك يليلي 24 تجليه
 اجلبنك يليلي 36 تجليه
 تجليه علّه تجليه
 اجلب النجم والگمره واصاويبي واصاويبه
 واجلبنهن زبيبه تغني لزبيبه
 اجلب الشمس والظهريه اطرها...
 ونخله الميت غريب، يظل كربها
 اعدام تمشي به
 ويدبي الليل بيّ، وتدبي آفاته وعجاريه
 اجلب الليل والوحشه، ومنام الناس خاص وعام
 عام وخاص
 حلاه الشمس من يحيه ضواها بليل...
 وتبين فطور الغّاع

اهنا... وهناك

ياضي الجمرز للمعائب باب.. وندگ حیل

والعشره الوراها احباب

شگینه علیها ثیاب، ولبسنه علیها ثیاب

ترفه وتیل

واحسرہ التهدم سور، وتبجي صخر وارواح

وتطر بحر مامبحور

أعد موته بأصابیعی....

وافترّن علیّ بلیاتک یا حلب خمس طیور

اجني من بعد خطن جنحهن بآخر الظلمه

جنح من جنح بيّ يدور

جنح نثیه بعيده يطير بالظلمه

مشيت ابين ثايات الحزن....

كل ثايه ربت عين

حجت ليل الجروح وما سمعها أحد

الكلام بصدرک تعگد

على وسع الگلب بيّ الشوك

يلي شوگك ولايه غريبه ومادخلها أحد

يلي شوفك مرايه، ...

كل صوره ترشها بيها تتأبد
وتتجدد وتتأبد.... وتتجدد

تضحك بالذهب روي

تضحك بالشمس روي

تضحك من يغني الماي

من يمشي عكس ممشاي تتردد

من يجري الهوه عكس السفينه

تضحك الدفه

وروي دوم تتردد

ولا غايه تلمها دوم تتردد

إخذ وجه الغمر لهلك

وشوف همومي وين تصوير

ياگاع ابتلت بيها

دمي هوايه عيب يفيض ويغرگ حواشيها

حلب يحجي بگصبه فراگه كل اربيع

كلما تطول بالحنطه سنابلها وثمرها يشيع

ويزود على ظيمه الماي

ويظل على صوته الماي

وتورق الشمس دفتر عذابه وتلگي أسرارہ

وتطبك دفتر أسرارہ
الشمس من توصل أسرارہ النہایتہا
حلب يحجي السكوت بمحنته سكتہ, ...
من ما يستمع له أحد
يحجي الشر سنہ بخيرہ
يحجي الماتسمعه الناس وي روحہ
فشلان الغصب من حجيہ وجروحہ
داخ الماي وافتر على روحہ وگال:
أشو مامش بعد طوفان
أشو مات النهر بيّ
وحنہ كل الشجر ظهرہ
ورفض ينمو ونزع ميّہ
داخ الماي... وافتر على گلبہ اردود
وگلي گمت أمر فشلان... بالبستان
إخذ سنيني وسنينك وخليني بطرگ روعي
انطيني روعي رمان, أريد اتعلل بروعي
وافك شباکها المغلوگ
هلك رفضو الليلو الغالي جي يشبه...
اسنون الماتو من ازمان

هـلـك رـفـضـو مـنـيـتـهـم وـعـاشـو بـالـحـلـم مـيـتـيـن
هـلـك نـگـلـو فـرـات وـدـجـلـه نـص الـلـيـل، ...
هـوـه وـالـسـمـج وـالـطـيـن
وـنـسـو كـلـهـم وـلا وـاحـد تـذـكـر يـآخـذ الـظـلـمـه
وـظـلـت مـن هـذاك الـيـوم مـمـزـوجـه بـغـيـاب الطـيـن
هـلـك بـالـلـيـل مـشـتـبـهـيـن
شـافـو شـمـس بـالـحـلـفـه
شـافـو فـيـهـا فـوگ المـاي
شـافـو حـيـه مـلـتـفـه عـلـى الصـوبـيـن
شـافـو فـارـس اـحـصـان يـاكـل عـشـب مـن ذـيـلـه
شـافـو عـلـى نـيـتـهـم الله اـمـسـيـس بـگـفـه
شـافـو شـجـرـه تـتـكـحـل وـسـمـجـه تـمـشـط الـهـا الشـعـر
شـافـو كـلـشـي مـايـنـشـاف
شـافـو قـافـلـه اـجـبـيـرـه اـبـگـايـه گـهـوـه الفـنـجـان
شـافـو مـيـت مـن اـز مـان يـمـشـيـلـه وـرـه جـنـازـه
شـافـو نـجـمـه تـقـرـه أشـعـار صـعـبـه وـتـعـلـج المـازـه
هـلـك اـكـلـو أظـافـر هـم بـسـنـه الجـوع
هـلـك حـطـو سـواد الجـلـد بـالـگـفـه
هـلـك كـل وـاحـد بـاسـمـه اـنـدـعـت نـجـمـه

هلك كل واحد بقلبه بحت نجمه
هلك....جذك هلك بالمي....
واخذ وياه ضوه النجمه
هلك... جذك زرع بالمي مطالبيه
ونحت جزره
تصد الماي والصياده والقرصان
تصد الزمن كله وتكسم التيار
هلك بيهم عظم خضر حياه اشجار
هلك رگسو ويه الجن...
وكتبو على لحم أجسادهم
والموج كوم أشعار
كتبو كل اغانيهم بظهر الحوت
رگسو... دمهم توزع بين الريح والتيار
ابكل حجاره وبلحم المره تفجر
هلك سمو ليالينا باساميها، ...
ونطوها اسماء ماتتعد
هلك مثل الگصب لو حزنو ايصغرون
ولو وحشه لفتهم ياكلون الصوت
هلك بيهم نسل آدم ومحنه نوح...

بالا عماق يتخلدون
 هلك ع الموت جروا سيف...،
 ماتو گبل میضربون
 هلك لور عدو یمطرون
 هلك جزره بعدهم فوگها تحیه الشمس
 وتموت يوم بیوم
 ویدك المطر والریح فوگها
 هلك وسط البحر عاهه
 رگبتهم فحم وشفافهم وردی
 النهر طبعه المشی، غنی له خل یمشی
 بعصافیر السنه بجنحانها حرگه
 وعصافیر السنه الفاتت بعد بیها اثر صفگه
 حلب شبایچ مظلم
 حلب مابین روحی وشوگها معبر براسی یدور
 ذاتی ا بییش اصورها،
 بکثر ما وصفتها خفت من الناس
 وگبل ماتختفی عنهم خفت عنی
 حلب خطوه بدرب مهجور
 ضاگت بیه دروبه وگعد یستنظر وساعتها

حلب حيطان ملسه وعاليه بظلمه
 حلب جمره غضه بحشاي
 حلب كل كلمه منه الذ من الماي
 حلب اجمل سنيني وموحش بلياه ذكر اصباي
 واسمه بكل سنه من عمري ظلمه, يمرني چالگمره
 يمر فوگ العطش ذجره، ... انفع من الماي
 حلب شمعہ عمر خلصت گبل ماتبتدي الفرحة
 حلب راح وترك جرحه
 ... بضميري ائگل من الذنب شيروحه
 حلب ذل التراچي والليالي والشمع والدمع والفرگه
 حلب حگه الگلب يتذكرك كلما بعد طرواك
 كلما رفت بجفني غمامه دمع
 تقسم دمعتي بحبك فلا انساک
 كل دمعہ حمامه تر فر فبعيني وتطير بعيد
 وچتوفي مدى يبعد بحالي بعيد
 أبجي لو دبت نمله, عنم رجلك مشت بالبيت
 أشوفك تضحك بنومي
 وضحكتك ايد تنمد لي وتوعيني
 اتغمض جفني بالتد ريج.. وتوشل الدمع من عيني

جذب ما انا
 سريرك يضوي فارغ منك...
 ايسافر سفينه ابين ايديه
 وموتك المبعد
 الحد موتك يوديني، يغربني ويرد بي
 ويرد ينحدر بي، بين روج الموت
 ويحطني وحيد على جرف الصبر....
 انتظرك أنه والريح
 نصفن كل عصر ونطيح....يم نچرك
 نصفن كل عصر ونصيح يم عصرك
 بصوت الريح بسمك والزهر مهتز باسمك
 والزهر يهتز نجم بالريح..يهتز نجم وسط الشمس
 وسط العصر وسط الماي واللحظات
 واللحظات زهرات الوگت
 والماضي باگه زهر محلوله
 يجي الماضي...
 يجي ويروح يحضي بچلمه مگيوله
 أنه والريح نفتر الجزيره... وعلى البردي نطيح
 نفتر الجزيره وعلى الماي نصيح

باسمك... بسم الولايات، بسم الرمل...
بسم السمج بسم الماي، بسم الطين
أنه والريح نملي المطر بالصيحات
نملي الصيف بالغيمات
نملي الحقل بالحنطه، نملي اكبورنه بالدود
أنه وياك لو ردنه بشمسها نصيح نمليها
فناجين وبقج ملها مجان تروحله....
متحيره وين تطير
أنه والريح وانت نصير
فرشي واحد ونلبس هبوب الريح
ونودي المطر للساجيه العذره
نلبس ثوب أساميها على البذره
نمر ع الشط... نوگف السفن واشراعها بنواعينه
نوگف الهوه..نوگف الطير... وتخشب جناحينه
نرد الماشي لهله ويرد مايدريش ليمن رد
نلفي الجزر..نلفي المد
ويدوم البحر تسكينه
نواعينه دفينه
اكبر من الجرح واسبابه ومضامينه

نجمك يحضن المغرب المتغرب
يحز آخر شعاع من الشمس ويغيب
انه المغرب الغايب اريد اغرب بعد واغرب
واحط روعي بشمس لفتها غيبتها
وخصله شعر ذهبيه من اخر كصبيتها
الشمس فوگ العرگ عصبه
الشمس ع الغصه سجين بلا كضبه
الشمس حربہ.. الشمس عشبہ
الشمس انسه اسمها الظهر...
واتفطن اسمها فوگ ظهر الماي
واتذكر اسمها بطارف الغصبه
الشمس نحبه هوہ بصدري
الشمس باسمك تسولف وانت ناسيها
الشمس عشره اسميها
رخيصه وحلب فد واحد، ينجمه وضاعت بلا ليل
دربي بلا نجم اعمى... خطيت وياه
وكل خطوه تعب عشبہ، ...
تريد سنينها وميها وغضارتها
تريد ايام نبعثها

تحب لحظات بزررتها
 عليمن روعي حطتها
 على متون العطش ع الكيظ زرعها
 عليمن روعي ضيحتها
 يگمره وطگت بلا گمره طشت نورها...
 بلا راده لا غايه
 وملت كل ليل يلمس ظلمته، ...
 ويگشط ظهور الخيل بالگمره
 غريبه وتاهت بزحمه
 تمشي وتبعد النجمه عليها تگول مستها
 وتمس بالليل خبيتها
 وتمس طيف وحشتها
 غنت من فرحها الساجيه الميته وطگ بالطيب ميتها
 وحنه قوسه الهلال العالي فوگ الماي والنبته
 وکمرنه طشت بكل عين...
 فضحت دمع كل الناس
 يا عون الدمع من ينفضح نخته
 لو گمره تمس الدمعه من صوب الگمر
 تندار خلف الراس

ويدور الدمع بالراس
ناعور وفلت روحه وظل ايدور فوگ ايباس
وعلى هدومي نبت موتك حقل حنطه
ما مرت عليه الريح
ما غابت عليه الريح
روحي سيرت ع الماي بطرگ الالم عريانه
افرش لي يا حلب ع الماي نكطه دم
خلي نجوم دنيانه تجي وتلتم
عوض عنك يموت الشط
يموت المي
يموت الفي
عوض عنك يموت الموت...
آموت انه
وادري الموت ما ينغش

1971

خيط العمر

كلت خيطيلي العمر
گالتلي ما وجد الخيط، الخيط بالظلمه ضرير
روح العب گالت وباچر تعال
روح من ينشگ تعال
اکبر وباچر تعال
اصبر وباچر تعال
والشمس چانت عله الببيان،
حنة عيد بجفوف الجهال
والعبت ویه الدرب
والدرب شال الفرچ، شال الگلب، شال اللعب
وعلگت الفانوس واتهدل ضوه الفانوس...
ع الحايط حرير
والعبت ویه الدرب، جرحي اللعب

والطفولة بلعبت التوكي اعرفت اول مرحها وخوفها
ودنجت بنيه اول هوه بنفوفها
مثل ثوب العيد لماع وجديد
وعلكت الفانوس ع المغرب بديها...
ونوره فر بيّ الدرايين القديمه
التف عليها.. فرني فر روعي ولچه بگلي الزغير
اه يا خيط العمر جا وين اديها
اه يا هيه التدمم عله الشباچ البعيد
وتنعكد ع الغلب مثل الخيط المشمع، ..
بكل ذاري يطير
كلت خيطيلي العمر ما ردلي صوت
وانه ياما سمعت ذاك الصوت
ونموج عله ايديه حرير
كلب طيرنفر، يدور عالوه بجنحه
وهو العالم حديد
كلت خيطيلي العمر كالتلي ما وجد الخيط
الخيط بالظلمه يحير
وجيتها وعمرى العتيگ تدبي بيه الابره سنه

وضوح أول *

الى علي الشباني

طلعنه من نهار البارحه متيهين
معنى الشمس واليوم وظلال الناس
طلعنه من نهار الألم... والحايط ألم
جزعان من ظله
بين وجوهنا وخط الشمس نافوره متعطله
او وجه طفله، مثل مي حوضها الراكد
وشعرها ابيضوي بالشارع
مشت خطوه عكس مجره الهوه...
وداست اسامينه
وقدمها ترصع بروحي

ونظرتها الزغيره انحنى فوق المي
 وتحرك تحت نظرتها وجه المي
 لگت بالمى اسامينه
 علگت في اصابعها جرس ع الباب
 دكاته تمر بينه
 يمكن في اصابعها يوعينه
 ودمعها البارد يغذي البنفسج
 يشهگ ويكبر ويصعد ويه امانينه
 مشى خطوه وشعرها المضوي بالشارع
 ضوه خافت ايوخر الفئ
 وعطف عيونها التلمع يگف بالشمس نافوره
 شفته بعينها صورتها معكوسه ع الولايه
 وضحكتها گمر.. لو نجمه مولوده بليالي العيد
 تتامل وجه طفله العصر من جامه مكسوره
 وبين وجوهنا وخط الافق نافوره مشتعله
 طلعه من هواهم يا علي مشيبين
 صدگ كل هذا التشوفه فراغ.. سنين
 خطف بالشارع وجر جفني من عيني
 احاجي طفل ضايع يوگف اكبالك

اعبونه مرايه معكوسه على احوالك
بركه... وعطفك بعينه اللي تدمع يگف نافوره
ضحكتك خبزہ مكسوره
وچتف يحمل دوار الشارع وظلّه
رسمت الالم بوابه وفتت منها
اسمعت صوت الخبز بالجسد يتكسر
حصانك عثر خلف السور
والعثرات تكثر وره حدود السور
نجمتك بالنهر سالت
حسك لعب بالگمره.....

وختل بين العشب والطين

طلعنه من نهار سوادنه مضيعين
معنى الشمس والليل وحياء الناس
والممشى الم جزعان من ظله
ظل النخله ثوب اللبسوا الاسمال والجده
تركت السور يتفتت وراك
والشمس حايط دم، يوگف بينك وبينني
ويعلي بعلو سنيني
يحز بالافق خط... والشمس حايط دم

رسمت الدرب بعيونك.. شفت باطن مداينها
 مدينه الفجر و عيونك نوافذها
 اشوفك منها مستعجل
 مسحت ايدك رسمت الفجر...
 واعراس المدينه بحافر حصانك
 رسمت التعب بجدامك
 رسمت الفرح ع الموجه والتيار اخذها بعيد
 بين وجوهنا ومعنى الشمس نافوره متعطله
 او وجه طفله....
 مشت خطوه عكس مجرى الزمن، ...
 حيت أسامينا
 وجبهتها الحزينه انحنت فوگ المي
 وتحرك حدر نظرتها وجه المي
 دمعها ياعلي ايغذي البنفسج
 يشهگ ويكبر ويطلع ويه سكتتها
 روحك دامت ع الثلج والامطار
 روحك وسط مله نار متحمله
 اتأمل وجه شعرك مثل مي حوضها الراكد
 الحجي والسكته شي واحد

والدوخه طويله هواي... والعالم بطيء يدور
لمست العالم الدافي وسط الحار والبارد
ضجت من غايم وگاعد
دخت من ميت وشاهد
واللي مايگف وسط السيول يسيل
من تحتصر إقره أشعارك الصعبه
إخذلك خيره من تزوج
لكن.... لا اعرفك... اتعب بوجهك
العالم بين واحد نازل وصاعد
قطعنه اثنين وثلاثين صبيره... مجد طفله
والف مجرى نبع صافي والمضطرب بس واحد
الصبح جنبه عباتك ناگعه بالدم
وسيفك بالعرض مفطور
اتظل شاهد عليمين !
والتعب بجدامك ايطول العشگ
ويضوي ليل الطين
شفت (الغايب) ايعاين امور اكثر
من الحاضر وشاهد
مكان الفرح ظل فارغ

مكان الغلب ظل شاهد على المامش
نوبه صاعد ويه الناس
نوبه نازل بوحدك
والعالم بين واحد نازل وصاعد
طلعنه من نهار الاحد نذب الخطو بالريح
وتذوب الخطو بالريح
العالم حبسني اشما گلت واسع
أقره الناس أملهم
من گبل ماأحجي وياهم وامل روي
أقره الملل بالگهوه
واحدنه صفه ضمان
لو خسران لو ربهان
لو مچتول... لو شاهد
ظلي وظلك يصيرون رقم واحد
واول شي يصح كل شي ويصح لا شي
تشبهني واشبهك... صرنه احنه اثنين
من تضيع تلگاني، وتلگاني من تضيعني
ومن نتلاگه أنه وياك،
نتضيع سوه ونحتار

تشبهني واشبهك والشبه ثاني وضوح
 او وضوحك او وضوحي
 وصخرتك نحت بيها الزمن والتيار
 اكف بين الصدى والصوت،
 حايط سومري امفلش
 واخط فوگه هوى جروحي
 گالت نهدي حدر الثوب
 گالت نهدي بجروحي
 ومن دارت النيه براسي والشارع عصر روجي
 والشارع رحل بالناس والشارع رحل بالفي
 رحل بالآلم الانساني
 وعقلي براسي بالمگلوب
 طلعه من نهار المعمه امدخنين
 چتف يحمل هموم الناس...، عن الناس

يا نديمي

الى ج - هـ

إشرب.... وطيفك نديمي، وحدي...

وحدي

يانديمي مابگه بكاسي خمر

مابگه براسي دوار

وفوگ رآسي البنگه تدوي

وانت طيفك وهم، من او هام سكري

طيف جمعته بتأني من النهار

يانديمي إشرب ويليه جذب

طمن وحشتي وانفرادي

اشماله فكري يشوف ايدك،...

تلتف اعله الكاس

وتگع الخمر والكاس بيدي.. وأنه وحدي

بغرفه معزوله، كراسيها وضوه اللي بيها غنه
وحدى اعرف روى,....
واستوحش
واغنى لروى وحدى
يمكن يكون الغنه، ...
هوه سبب طيفك الوهمى
يكبر الكاس ويكفى اثنين،
مد ايدك واشرب
حتى اقدر أجرء... واسكر واغنى
اختلطت او هام البراسى ويه طيفك
وانفصل عني المغنى
آه ياروى المحبه....
ع المحب زحمه بوحدته
يجد روى صار طيف آخر ويسكت

نزيـف

-1-

انزفلك شعر بالليل
انزف جرح مامشود
اخلط روحي اضيعها
بكوام السنبـل المحصود
احلم بيد تنمد لي....
تعزلني من التبن والعود
تبذرني بنهر وخدود
تسگيني حليب الرگهبجفوفي
وانگط ع الخبز خوفي وارد اردود
انزفلك شعر بالليل
واحلام المدينه تعود، بيض وسود
واحلام النهار اتدگ علي الباب

تصطف بغرفتي اصفوف
فوك الكتب, فوك اهدومي خضره تطوف
وانزفلك شعر بالليل

- 2 -

بالضحكه اليتيمه البچت خلف الباب
بصياح العصافير التجيب اصواتها الخطار
بالشجره الحزينه لحزن أهل الدار
بالنجمه البعيده بجيتك انت تعود
انزفلك شعر بالليل وانزف جرح مامشودود
مكسوره المري من ايام
بين وجوهنا المجروحه بالايام
لم منها الخيال وعمر مرأيه وحواجب سود
طير اموكر من البرد ع العامود
مكسور الغلب بالليل
يتصنط حجي من التيل

يتصنط حچي من المطر، من یرشگ علی الشباچ
يتصنط حچي امن يصيح تالي الليل وحده الديچ
يتصنط حچي گليبي ويصيح بليل ویه الديچ
انزفلك شعر بالليل وانزف جرح مامشدود

- 3 -

اتلطني الشوارع بالتيول السود من بعيد
وتلگه ضواها بدمعي كله وينکسر بالاید
وتلطني البيوت العاليه ببيوت....
مطفیه حجرها وغافیات
عن احلامنا المطروده من الباب
عن خوف الغلب بالليل
عن زهرات اول ما نمسها تموت
عن ضحكه بنتها شفافك لگلي جسر
والامل فوگ يفوت
وتلطني البيوت العاليه ببيوت

وتلطني البيوت البيض بالماضي
وتلطني البيوت السود بالماضي
وتلطني البيوت الخضر بالاحباب
ظلت ايدي فوگ كتاب
فوگ احلام چذابه
وهلال انكسر بالشارع وظل طالع
وتجمع ضوه من جديد
ورجعت بلا گلب.. لا ايد
لا زهره امل... لا عمر...
غير الخوف وانت بعيد

(1967)

سد مأرب

سمعت من القديم ومن الحديث
فد فاره خرب سد
چان الشر بگد الفاره يهدم سد
اشكد يهدم...
لو غده الشر بگد السد

جگاره

ورثت مره جگاره بغد مكانه
جاني واحد گلي ممنوع الدخان
گتله راح اسحب نفس...
واخفي الدخان
گلي ممنوع الحراره

الريح

گالي: تريد الصحيح
گوم سد باب الذي منه
تجيك الريح
واخلص واستريح
گلت: بيني وبين روي
لو اسد الباب اللي بره..
يمكن اگعد واستريح
لكن الباب اللي جوه
اشلون اسدها وهيّه باب
وهيّه ريح

أعبر وحدك

تتذكر كتابات الفجر تضحك على الحيطان
تتأملها

تتذكر حياتك من وره الافكار
والدخان...

اتغربت ذكرياتك ببيك...

حفرت نهر ايامك

من تنسه اولها ايموت بعدها

من تذكرها لاحد ينسه اسعدها

حبك... حبيك... آلامك

اخذو صمتك وراحو... ردوه لك صديانه

چنهم حچو بالدخان

وتوضح كلام الفجر وحده...

اتوخرت عنه مسافه اخر الحيطان
عديت الشوارع ورجعت تعبان
صح عديتهن... لو بالعدد غلطان
شعلت اثنين وثلاثين ليله بالسره بذهنك
خفيه انتظر عيدك
واتلمس ضواها بذكريات ايدك
مثل الطير تتنفس قبل متموت
من تنطبع ع الحيطان
ارسم عالورقه زنجيه نص الليل، ...
عليها غلايد المرجان
واختل جوه ابطها وانچوي بخدها
حط راسك بحضني وموت
بس تتلمس الحيطان...
ما تعرف منين تفوت
لو كثر حياطين الضجر والملل
شوف بعينك الدنيا ابغمج صحراء...
واعبر وحدك الوحده

رمش كتان

يصعدني وينزلني رمش كتان
كت.. كت يا رمش فوغي
امدلك غلبي جف عطشان
ادراج العمر واصعد..،
والكه السنين الطويله هناك
منتظره الفرح يدفع الباب وياك
منتظره الشمس يمك
اتفل يمك شعرها الذهبي...
وتسر سحني ع الرمان
صعدني جبل اخضر
نزلني سفح اخضر
وديني عله الورده التعمر....
اطول من العمر والبستان

خذني لبلبل يغني....
ويظل حسّه بعد ميموت
عبرني نهر وبيوت
رصع روعي بالياقوت
واعجن دمي بالمرجان

مواگد غضب*

1- أيام الحماسه.....

نحتنه من غبار المعارك, خيول لبطولات العرب ضمّر
وفوگ من السروج عيون، ابحان الطعنه تتبصر
عوايس ياكل من الغيظ حديد الجامها المكشّر
يرامون الشمس بسهام صلبه ويگع دم أحمر
جزيره وحش لابس غابها وغزلانها الليل وسراب
الطير
حطني بسهم اليرامون وبصدر العدو اتكسر
يلصابر كفاك صبور..حت صبح الصبر طولع

* هذه القصيده أولى القصائد الشعريه التي أصدرها الشعراء الشعبيين في العراق بعد نكسه الخامس من حزيران /967 تحت عنوان (قصائد للمعركة).

والشوكه برملها تلوب.. چي خيالها تخونع
جزيره وحش عاشرها الوصيف وشمّر وزوبع
ولو خر من سماهن سيف اعله هامات الخصم يوغع

2 - الرثاء.....

دور اهلك مواكد غضب وجن نار
وتگا بل دار يندب دار
يجدحن جمر نخوتنه ايتطاير ثار
يسري للشمس ويغيظ معدنها
ويه معادن الثوار
وبمر الليالي يقنت وتعلمت منها
ماينكسر عود اليلتوي يتشلبه الايام
وجرح البيه رصاصه اسنينه مايلتام
وتلاگي بالنفوس از غار اكش واكبار
وعبره الجرح موش بدمه من يسيل
بالغايه... والغايه والجرح للفتن فد مگدار
سل لگنيطره اشگد گنطرت منهم

واشكّد سفح من دمهم شعبها البار
 دورات الزمن والشمس راوني
 عدو لعبك.... عدو كتبك
 عدو شعبك.... عدو شمسك
 عدو خبزك.... عدو حسك
 عدو دمك.... عدو أمك
 عدو الهوه اللي تشمه
 عدو الامه
 عدو الثدي اللي امرضك
 عدو كل بيت بيه ازغار... الاستعمار
 خالي من خطوتك درب مدرستك
 وبيتك خالي من لعبك....
 وضحكك والنسيم الهاب
 ولا الجف الزغيره اتدگ علي الباب
 وظل الابن ينشد وين ابوه....
 ووين اخوه الغاب
 يهروش العنب فرشي على ارواح الاطفال
 وغطي ورد جروحهم بازهار
 ياليل الملاجيء هفت انجومك....

التلمع چنها روس احراب
هاب جروحنا ياليل وجروح السبع تنهاب
النه بستر كل خيمه اهل واحباب
والجرح النثلمه خلف دمه احساب
وحگ نور الشمس والشالو جروح الحرب
بشفافهم واتگلبو ع النار

تموز / 1967

حلم...

فريت المدينه بليل
فريت المدينه وخبطت ع البوب
گتلهم اجتي الريح....دهو البوب
اخاف الريح تخلع بوبكم وتظل دشر....
والدور بينه تدور
وكل واحد يحط لوحه على چتافه...
سفين وينتظر طوفان
وگتلكم... وگتلكم..وگلتو هالولد حلما
ولا واحد سمعني اشگلت گلبي انشگ
ولحم اچفوفي وكعته بدرابين المدينه..
وانهره من الدگ
فريت المدينه بليل
شفت الريح اجتي من بعيد تون...
مفتورات «الف يا» AlFYaa

بدايه سيل
 شفت النجم فص محبس باصابعها
 وظهر جدها محني على السجاده
 طوه آخر صلاته, ورجه السجاده بركن حجره
 وجته الطفله من فتحه الباب تفوت
 خضره تصيح گعدوني
 وقدمها الحافي يرسم ساجيه ز غيرونه بالگمره
 وروحه العدله تسمعها
 وجمرات الجگاير فتحت بالظلمه عين الديچ...
 راد يصيح.... وتوترت حنجرته
 وصاحت من بداله الريح
 وصياحي اختلط بالريح
 وبقيت اصرخ... اصيح لحد الصبح مابين ابين الريح
 شفت الخيل....
 يجدح ع الحصو والجير حافرها
 ورثو من شرارتها جگايرهم
 وركبو عله ظهور الخيل
 والعثره الزغيره توگع اعگاده

البغي

وجهها من الضوء مشوّه
نفسها الميته تتأوّه
تتنفس هدوء الليل.. وتفلّّه
مرت... وخر الشارع
وكل الناس من وخر تنوعتله

مطر

المبلل ما يخاف المطر.. غال المطر
واني اخاف من المطر
وحدي اخاف من المطر
لن حذائي ما يطأ إلا الأرض
ومعطفي جدا " ضعيف...
يطير من صنعه الريح
وراسي خالي من الغطه
والمطر ما يدري وين يطيح
لكن ما يגע هيهات خارج الشته
وخارج الريح
وخارج اليمشي تحت أوطأ سمه
بليه أمل

الطير والصياد

الطير گل للسمه
وگبل ماينتهي من الياء الأخيره
طار راسه بالسمه بصچمه ضريره

موقف آخر

وين ماتلگي ظلم
ظلم امقتّع.... صريح
حشّي أصابيعك باذانك
واغمض عيونك وصيح
متى ماتسكن الريح
تلگي طير امطربس بدمه جريح

الى.. ابراهيم زاير

لازم الشط العريض تفوج
مدري لوين نيتك ؟
اغرگت لو بعدك ؟
سمعه الريح گالت مالويتك
اغرگت لو بعدك ؟
سمعه الموجه گالت :
شايل بجفك منيتك
وگلت لاچن من سمعني
وگابل الشط ومنيته
صوفرت بالريح.. چن تگدر تزود
جيهه وحده
وانترس عمرک صفير
ادخل لبيتك وكسر الباب

لو موتك يردها
مالگيتك غير عين تنام للتالي بجبهتك
ودم عليها
ونار مجنونه طفت بالراس....
والجنه جحيم

الصورة.....

الغزاله اللي رسمها الظل
ماتشبه هذيج الواكفه ع التل
رجلي بفي رجليها
وعينها بعيني... وبين ايدي
ووجها الصدغ... علو التل

عاده... ---

من قال وبله
بخط عدل مايمشي النمل
عاده اله
وديدان
لنه يعتقد ياإنسان
يلگه الحبه باي مچان

وين رايح... ---

وين رايح بالمحبه!؟
بروح ماخضر سعه
والديوچه الغبشت بتالي حنينك
محد اشگالت عرفه
وامتله بدمك عرفه
اشكتر حساباتك امنين تفوت
والدنيا اشگصفها

وصف...

الساجيه من تعطّل..البستان يكفر
... بالنده والماي، وتعيط الزهره
وتركض الاشجار بالشارع عرايه بغبر خضره

نکته...

واحد یكفر زهگ من العرگ
راح یسبح بالنهر...
شاف الجرف كله زلگ
ذب زرگ بافكاره وهدومه وعرگ

أستدراك...

شفت روعي جني مالي غرض بكل شي
ومن كل شي بري
وساءلت روعي بمراره وفكرت
ان چان هيچي صرت
يعني كلشي أصبح إله معنى بنظري

اسطوانه....

كل چلمه عليها تدور ابرتها
وتدگ على چلمه لیل سوفتها
ونتلت گلبی نتلت تیل
وافتریت ویاها عبالی الگه قراری
بلیل.... واکمل باقی دورتها
«وجاوبنی من اعماق الزمان
ورد علی الصوت
لو ادري..یتحول الماضي سنین
مانتعاش
چان انتبهت لعمری
وخلیت السنه من اولها لآخرها
اندور علیه لحظتها»

أبحار خطر...

سفينة من ورق يرتعش صاريها
اجبت وابتحت بيها
رحت وتوغلّت بين الهوا والروح
وما حسبت حساب، القدر والريح تاليها

تجربه....

شفت ايديّ تشبه خشبه النجار
واتخيلت ما بيها حراره ودم
ولا بيها نبض ينتك
لچني اصرخت لمن عليها اتحرك المنشار

لا امتثال...

كتلي هاك... هاك الابره.. هاك الخيط

شد جرحك

ومامديت لك ايدي وگمت اضحك

وشفت الحيره بعيونك سؤال

اكبر من الابره والخيط وعقلك ونصحك

واسكته عذاب وياك

واخذت ايدك الاخرى،...

وسكنت وياك

ومن بين الدمع گتلك:

لا تحتار بالمره

أنه جرحي بضميري متلوحه ابره

ولايندل عذابه الخيط من برّه

دعوہ...

اذا تستحي من اللّمه ومن الكلمه
تعال وياي
آني وياك نرگص سوه بالظلمه

حوار....

گتلي.... ليه بس انتہ وحدك برّہ
ماتوصل ترہ
صير مثل الناس کلها
والزم لروحك سرہ
والتهينه اني وياه بالحچي
وحين انتبهنه لروحنه
شفنه نفسنه صرنه کلّش ليورہ

فرح ضايح...

خيّه ارد احج للصبح والليل مانامه
واشتل بهمس الليرز وردات لاحلامه
گمنه انتمره وشلج بالمرى ع الشامه
وآنه بعطش للفرح وذراعك اجناحي
قندل الشرجي الدمع واشرجي شبيرده
عد جفني چثير اسرار إلك وده
كل دمعته تنحت رسم ورده عله مخده
وآني بعطش لل فرح وذراعك جنّاحي
يسمر حنيني الك حن التمر للصيف
كافنه ساعه وصل والوصل مو تكليف
لا ليل ضيّف حلم لا نوم ضيّف طيف
وآني بعطش للفرح وذراعك جنّاحي

تغيب و غيب الشعر والليل بيها يضيع
فري بغنج للنجموسم هو انه اربيع
چنچ يسمره بنشط مهره والمهره تشيع
وآني بعطش للفرح وذراعك جناحي
نهدي اللي توّه ثكل غيرك فلا جاسه
لتجيس روعي اشوغ الروح فرگاسه
يسمر تنيت شكتر تدريني وهواسه
وآني بعطش للفرح وذراعك جناحي
عندم اشفافك حمر وبدمهه مبرومات
ييعثن لده ودفو وجه وگفه موريات
لج بلذيز اللذيز العمر ينهت فات
وآني بعطش للفرح....
وذراعك جناحي

(1967)

أشواق تحترق... *

مر بيّ ونسنس كل شوگي
مغصوبه انگل شوگي بزيجي...
اتعدّه لخزرات الترچيه
لا أهلك وهلي يشوفونه....
اتغتر يلحسنك گمريه
من تجزي ايطگ دربك جوري....
آه الجوري شعامل بيّ
ياروحي اشضگتي من العشره
توچ حبيتي وسم ضوگي
مر بيّ ونسنس كل شوگي

* نشرت في جريده (الاتحاد) الاسبوعيه بالعدد 227 في
4 / 8 / 1998 وغنتها في نهايه الستينيات المطربه "غاده سالم"

عشرتنه دموع شگد ترفه
وسيسها بكحله كل سمره
لو اموتن وصي يدفنوني
موش بعيد بجرف العشره
لا أهلك واهلي يشوفونك
لتمر بينه بوگتالگمره
بطرگ الحسرات اتعناني
وآنه الحسره تحز بعروگي
مر بيّ ونسنس كل شوگي

حز روهي بهجره وماگتله
روهي منفراگك معلومه
حنن بدموعي گصايجن
گالو يردون يخطبوله
بين العاگول اشتل روهي
ولا اسمع عدكم هلهوله
وگطره مي ماريدن فوگي
مر بيّ ونسنس كل شوگي
اتصنت من تجزي تناغيلك
يحييب حتى الخزامه

مانفروح الابطاريكم
وعڱبك عمري اشتسوه ايامه
مر وعيونه تضم الضحه
والروح تعلغت بحزامه
يضحك چي ڱالوله يعرس
وانه الدمعه تلوج بموڱي
مر بيّ ونسنس كل شوڱي

مرّه...

بالمّرّه الاخيرہ راح من گلبی التعب والضیج
والحسرہ چبیرہ تصویر... من اتضیج
والچلمہ بعلاه اصواتنا انصیجها...
یاخذ الہوا وتضیج بالتهریج
حط روحک زرع بالفی
ماتحمہ الشمس ع المی
مشیت و وگفت الموجه
وتحت جدمک الشارع والتعب والگیر
شفت النار فوگ المای مشتعلہ
شفت دجلہ سمہ للیل
بیہا انجوم فوگ انجوم...
فوگ انجوم غرکانہ وتضوی اللیل
وفراغ گلوبنا مابیہ صدی ولاصوت

مد ايدك وحس الطين
وانطينه على وجه المي حلم وشراع
وادفع كل سفنه اللجت فوگالگاع
نتغرب بگل الگاع، ...
عليها اخطوط بيض وما تريد اتوب
عليها وما عليها الهوسه واللمه
بعدنه اهموم... تبين من وره الهدوم
امشي وياك وين تريد
بس للموت
روحي اصعب عليها تفوت
مر بي الترف برموشه واحتاريت
وردت اغلط واگلّه من ولم گلي
كل هاي السنين المرّه...
ما مريت

مشروع قصيده غنائيه...

تفتكر ترتاح ايدك ع المخده....
وراسك ايفتر دواره
نمت وتخيلت نفسك نسر ميت،
طار كل عمره خساره
وضرب جناحه بصخره اكبر من مداره
الساعه وحده....تفتكر تحلم (بو حده)
تفتكر تكدر تمد ايدك....
وهي اسلاك متكهربه وتتلمس نهدها
املي نومك بالتشهيه واخجل بگد الاحلام
صعد مجد الليل لعيونك وطبغها على الايام
ويوم الاحد مااجه ابالك نهاره
لحد مدگت ساعه وحده
وهجست راسك ثگيل ع المخده

وحلم وجهه ع المخده
الروح تحجي الكلب ساكت
انتبه راسك سفينه
تعطلت بليل المدينه
كبل ماتعطل الموجه وتتلف بصدر السفينه
انتبه راسك مدينه
الناس بيها تجي وتروح
وشوارعها العريضه لا تجي ولا تروح بيها
إصرخ بقاروره ضيگه حتى لا ينسمع صوتك
وانت تحلم بالكلام
صعد مجد الليل لشفاك وطبكهن ع العبارة
تفتكر تمتلي ايدك يوم الاحد
وانت فارغ مثل ساعات النهار
تخاف من روحك وتنساها جذب ساعه الوحده
تخاف من ايدك وتثنيها بخدر فوگ المخده
تزوج من ظل السكملي
تغمض عيونك تصير الغرفه ظلمه
عينك اليسره ضعيفه تقره باليمنه رساله
عله كالك احفظتها من زمان

اتبرکس بنشوه غمیجه وفوج بیها
 واجوي احلامك المکصومه بجگاره
 اتوخرت جدامك الحیطان،
 اللي بجیت چم مره علیها
 وزتتک للبيت ماأمنت بیها
 اختبی بچلمه تفهمك
 تبسط ایدك... تأخذ وتندم وراها
 صعد مجد اللیل للچلمه وطفاه
 لو کمر روعي واطوف الدنیا من اولها لآخرها
 واذب روعي برجاها
 لو بدیه احرگ اوراقي القديم والجديده
 واشمر همومي بلظاها
 الشمعه من یگضي ضواها
 اللیل هم یگضي ویاها
 اختبی بنفنوف ضیگ، ...
 حتی تتعلّم شنو معنی النفاهه
 اللیل أملس والضوه مثل الحجاره
 اللیل أملس وانت حلمك خشن یزلگ ع المخذّه
 اللیل أملس مثل زبده

إختبي بلحظه تفهمك
آخر حجايه تفكر بيها تغتال الكلام
أفرز الفي الرمادي الترف من جنح الحمام
تفتكر يمتلي كلبك ريش ناعم....
لمن ايرد السلام
اختبي بجله تفهمك...
واحتقر كل الكلام

أسوار بلا مدینه...

بنیادم الکاج بگاع مصفره
یحضنچ سور من جوّه...،
ویحضنچ سور من بره
وشمیدور بنیادم وراچ....
یدور جدامه عریض السور
وشمیدور یحله بعینه سطح السور
ومامن حفره الاوظنها باب السور
وظل یدور
بنیادم تعب منکثر مفتر صار فراره
داخ وچلت افکاره
وفرخ لمن لگاله حدر سورچ....
بره وصلت فی
فرشها ونام فوگاها..وعلیها ارتاح

وصلت في فرشها السور للغربه
كشط منها باظافيره...
وستر وجه اللي ينضح عرگ
ينضح حيره بنيادم
ينضح تعب بنيادم
بنيادم ايدور علّه وصله باب كل عمره
يمكن تنفتح بالسور
بنيادم يمكن يگدر يطگله شبر بالسور
بنيادم كتب ع الحايط ايامه... وعذابه
وليش هوه ايدور
بنيادم رجع وبراسه ظل يدور
شكل السور
اخذ يحفر... وغابت الشمس ع السور
وطلعت الشمس ع السور
حط عينه ع التلمه واخذ ينظر
بنيادم اخذ ينظر من التلمه الفتحةا
وبهت بنيادم
لمح من عدها سور آخر بعد هالسور
وظل يحفر وظل يثلم

عبر أسوار بنيادم
لحد ماضاع بنيادم
ابين أسوار ماتتعد
ترك خلفه ثلم گامت وره تنسد
وبنيادم أبد مارد
وشاف أسوار ماتتعد
ولاتحضن مدينه ولا تحيط بشي
ولاتحوي فرد شي غير بنيادم
وظل محصور

مشروع قصيده...

كسرو ذراعي گبل ماالغضب السيف الترف....
واطعن الظلمه
أطعن الظلمه الجبيره.... اعداك لمه
واليطيح يروح دمه
وصله من الليل تتبارز وياك بغير نجمه
وحزنك المتدفق ابين الثلج...
وليالي البرد چلمه حراره
إنتبه للريح من يوحش دويها
ومن تگع نسمة عليه اعله الجثث، وتمر عليها
ودور بكل جثه جرحك
دور بكل ميّت من الناس دمك
سيل بالليل الطويل... سيل حيل
كسرت الروجه الجبيره... الصاري...

واحلام السفينه التايهه بظن الملايح
 وخرابط الجهات
 بيك من رمل الجزيره اسفافها وصمت البراري
 نغضت البعران والليل احتواها
 وممر عليها... مثل برد الصيف مر لّين عليها
 اندار صبحك ع الشمس گابل ضحاها...
 وما لگاها
 الشمس من ما ينذكر حرها واسمها تصوير ناگه
 عن جميع الركب الاسمر فارديها
 وين احط حبك واضمه...
 وسط گلبي
 لو بهودج (زينب) الخالي...
 وادور الرمل بيها
 حمر نجمات البراري
 زرگ طعنات المذاري
 والسفر عنك بعيد

نزهه...

النهر يلهج بأسمك رد عليه
حتى لو مايه تجرا وصار ضدك
وانه ادور عله ايدي الثالثه
بين الهوا والروج والآف الايادي...
وبين صمتك
بين صمت الماي ادور عله اسمك
لو اصابعي ضباب تصير چان لكيت خصرك
جاني اندليتها بين الزحام
تنتحر موجه غريبه بلا سبب جوّه الجسر
تسكت باخر ضبابه انت والتيار اخوّه
ومن تون الريح تجعلكم اعادي
الافق ما بيه مطر.. لا ريح لا صرخه مخيفه
منها يختض الجسر

عله جسر الموت اهلك سيبوك
نكض وجه الماي من كثر النظر...
وسط الشاريع
والمدينه تغوص جوه المي سنه
وعطشانه تنبك
والاساطير... الملاحم والفتن كلها جذب
حتى صرخاتك جذب.. حتى الكتب
خاف... خاف
حتى تتعلم شلون تگوم تصرخ حيل وحدك
انتظر بعد العجابه
تشوف لون سيوفهم وجروحهم ووجوهم
وتعد عداهم من خطاهم
انتظر بعد العجابه، تسمع الفاظ النهار
عاليه مثل الغبار
والملاحم والفتن تستهوي گلبي
والمحبه حولتني احجار ساكت
حولتني مطر باهت بالنهار
حولتني تراب ميمدع العين
گلت وين المي يعاني...

بالجرف... وسط النهر لو بالالواني
انت سيف شما يسلوك العده ترتد عليهم
ارسم بصوره الشخاطه نهر يجري...
عكس رغباته وحزن الليالي
ارسم حياطين ما إلهن نهايهمن البدايه
واكتب سنينك عليهن
اكتب الامك المنسيه عليهن
تمتلي الدربونه مي
اگشط اللوحات وافتر بالمحطات البعيده
مزگ الصفحات لا تلمس جريده
ظلت الرايات... رايات وفتن
ايده... ايده
يدور وما لگه ايده الثالثه بين الايادي
راسه اعلى من الجسر والناس
وهمومه كهف ما بيه صدى
اعتقد وسط القوارب...
ابد مو بالماي يچمن الغرگ
والنبي الوياه جميع الناس ابد مو نبي
والشوارع الذي تنهره بيها اقدامنا العريانه...

اخير من الترف والاحذيه
الليل وادي... وادي مظلم وادي عالي
واحنه عالقمه سكارى
لو اصابعي ظلام تصوير چان بليل شفتك
تنتحر موجه غريبه لكل سبب
تسكت باخر ضبابه
تنتهي بموجه جميله
چان شفتك شفت وجهك
طير تايه بالضباب
لا حمامه... ولا غراب

زائر غريب

جاي من اخر زمان
اتدور بروحك مكان
ايضم مصاييها وفرحها
اتدور ولايه قديمه.. ابوابها مفتوحه كلها
لا تمس بيدك قفلها
ولا تكف اكثر من اللازم اقبال الباب
خاف تبوگ من فكرك سؤالك
ولا يحزرونك اهلها
فرد حزوره تگيد لا تحلها
دير بالك لا تحلها
جاي من اخر الدنيه...
ويشتكي گلبك لاهلها
تذكر بهالركن برکه، ظل على سنيك بللها

انتچي بفي صخره واكتب عنك وعنھا
وعن کل من مثل حالک...
يحب سکتة نخلھا
ويحب يتراواله کل ما بالمدينه
على وجه امياھا ما عدا ظلھا

غزل

هواك انت رحل بي... واخذني بعيد
... اخذني بعيد... اخذني بعيد
تيهني بزحام العالم... وتلاني من ايدي
وكلت لا باس
تغريبه هلاليه ومحبتك بيد
شفت الضاع گبلي بالزحام وتاه
لگيت الما ملك عمره دليل وياه
شفت الماتجيه ضحكه من عيد لعيد
لگيت الضاع گبل اسنين
والضيعوه هله عمدہ
وتدافعت وترويت...
اشگد ودیت اشوفك

زینب... *

(وجدت ما یزینب بی، وما بی بزینب)

أخباری حلیب الناکه یرویه
وأخباری الشجر یرسمها بازهاره ویطگ بیها
وفناجین المضایف والدموع تدور بس بیها
ونجمه الراعی تسمعها والف زینب توعیه
تگلها باب روح لا تغلگیها
تجی منه بجنح نسمة....
معانی وذکریات الناس تحییها
وبباب اللیالی تنزرع له جروح
تنشأب ببال الضیم روح بروح
تنشأبه جروح الناس وجروحه وتزود جروح

* نشرت فی جریده السیاحه وجریده کل شی

واشعاري وراي ارماع يشيمها النعي وتلوح
والدمعه التريد اتطيح يدفعها الصبر
الكلب وتغير مجاريها
وگصايب خواتي هوادج انظم العشگ بيه
اخذا تسيل منها اسرار حسك ترب البيده
گبل ماتمشي ترب الروح...
ترب الجفن ترب ايده
اهلال وكتر منه بغيم كتر بصحو الحربه
التلمع بصدرة
ومغافي الموت بجفونه دمع بيره
تركنه بكل كتر متروك ياسايگ ضعنه
التفت خط احمر
زرعنه من جزت بينه ابلها جروح متكبره
بكثر ماصاب خفها التعب والعاگول
ودت من المها الحمل تشمره
حملها هوادج معرسه
حملها اطفال تتناوح على الخبز
بدموعي لكدر خلوه البيده
وعلى جروح الليالي البيض لطويها

نفضت من كل الحزن...
والبدن بروحي ونواحيها
لا تشعل يحادي انهودنه بحسك المدمي شموع
علمنه الطفل طول الصبر ع الجوع
سكته بحليب دموع
تلوع الناكه من ايلوع
ويلوع الها حاديها
والنسمه التروح الشام انحي بشوكنه ايديها
هاي المهجه عشها الضيم والنار بخوافيها
تون غير الونين اللي تونه الناس.. واسمه ونين
غير اللي مله صدر الفرات سنين
تون بكل نفس مكطوع يجويها
دخيط غربه العاگول والعشاگ بجفوني
وبمي الفرات الشمس طفيها
لهيب شمو عنه گصايب بنات بيوت
يمشطها بلياليها بنات بيوت
اخذ من نعجن الحنه بعرسنه وياك
چف حنه للشيب وفوت
إمش لا توگف ببابي وتجيب الربيع وياك والياقوت

اسكت لا تعد انه بسبحه اليسر
عملات اليسر بسكوت
إمش كل السنين اشحاح...،
اسگي بهاي ذيج تموت
دير المهج بالفنجان وبطول الصبر للناس ساگیها
وخليني گبل ماموت...
أمر نجمه بلياليها
أحد سيوفها بدمي... وبروحي
اجرب الحاد البيها

1967/ 3/ 3

لا خبر... *

(الى.... الى من؟... لا)

لا خبر.. لا چفيه، لا حامض حلو لا شربت
گالو صوانیکم اشموع انترست
والتمت الحلوات من كل بيت حلوه التمت
واترف اصابع ليله الحنه بعذابي اتحت
ونجوم بصواني خضر للصبح عدكم سهرت
للصبح عدكم سهرت
وكصايب الحلوات وهلاهل عنبر...
وخصور تهتز للضوه وتتكسر
والناس كلها التمت
فد نوب مامش طيب لهننا وصلت

* نشرت في جريده (كل شي) الاسبوعيه

لا خبر... لا چفيه...
 لا حامض حلو... لا شربت
 يلي محبتج شهكه صنوبر بوحشه غابه
 من رگبه النعناع صغنالچ تراچي....
 وحجل ياحبابه
 واترسنه بصواني حنين اكوابه
 كل كوب بيه ضمينه بوسه لشفنج الحبابه
 ياسمره مشينه الگمر..والنجم
 لهلچ والنجم خطابه
 ردونه ننگل جفن مذبوحه بخناجر...
 ياحنينه اهدابه
 والعين ردت دمع اسود ع الوجن صبابه
 يلي العشگ عندچ لهو..وهزه مراجيح
 أوعد جذابه
 العين شافت واذني أكثر سمعت
 فد نوب مامش طيب لهنا وصلت
 لا خبر.... لا چفيه.... لا حامض حلو
 لا شربت
 مسألتي لا گبل المهر.. لا بالمهر لا بعده

ياحلوه چا ماي العشگ وتبده
 غرگني ياسمره العشگ والعشگ ماينحزر
 جزره ومده
 نگسن سفن شوگي وشراعي
 الماي منه تعده
 والريح دارت ضده... دارت ضده
 ياسمره وبعيد الجرف والغرگ ماخذ حده
 حتى ببساتين الهجر شبت براعم ورده
 واعتلگت اقناديل وز غيرون شب بمهده
 وانطفت اقناديل، ...
 والريح بشراعي تدگ وتميل
 والشوگ بضلوعي مسافه يسيل
 لا مشط يدفن شوگه بگصبيه
 لا جفن يتكحل بجره ميل
 يامه انحنتلج من صدف محار مرجاني الجرف
 تمثال للحب والعطف
 واشعاري مائن ع الگصبيه
 ونگطت روعي على شفاف الحرف
 ما اريد حب جذابي

كلفه تصل رجليج عتبه بابي
ما اريد عشره من شمع وسط الشمس تتفتت
ما اريد چفيه... خبر
ما اريد سم الشربت

1964/ 2/ 2

قطار الألم...

(قال المسيح عن المجدليه: من كان
منكم بدون خطيئه فليرمها بحجر)

أمس ذبني
القطار الشال كل حزني
أمس شالن فراگينه كحل عيني...
وسحر جفني
أمس ذل النظر ساگي حشيمه...،
والعشيره تحلف بردني
ولاخط الرخص كحلي
ذهب تيزاب ويباهي الشمس حجلي
يسجه اشكثر تعبانہ تعب رجلي ؟
أمس ینگل قطار البصره... يابصره

مذله الليل والحسره وكحل سمره
أمس ينحط قطار الليل...
مامش جرف يادوبه
يبوبي وماي وجهي وگع بدروبه
ييمه ذبل أنهودي الزنه والليل وذنوبه
ييمه وبغداد الشوم ع الدينار مصلوبه
ييمه چيف حال الجسمس والروبه
ييمه اشلون حال الغنم لتناغي
يناري ومن زمان الخير....
مامش بالسحر وينبه القريه
صوت الديج ليناغي
وامي الدلتني زغيره لا تنسين يگدّلي
حنيه امي وجناغي
هذيچ ايام وربيت بحضنها املاعب المهره
وهذيچ اگصيتي الشگره
تنطي الليل مامش نجم في گمره
قطار البصره لاشالتك سجه بليل
ريتک لا صحت لا امشيت
ريتک تنهجر تنشال ياخطه

وريتج دوم مطفيات يضوايات المحطه
ينعاجي ذبحت ستري مدينتهم
بلغمه خبز مسمومه
بدراهم سود ميشومه
ينحب دارنه اللي چان مضاييف للشمس
تنعب عليه بومه
ذلني الدهر ذل حضني بدين اجناب
لون ياديره ياخذني
قطار البصره ويردني
لديار النخل والشمس والاحباب
وترد نعجتي اشرف لبن زاجي تغذييني
واختي تلمم اعظامي التكت جروح
وتشدهن وتحييني
يختي الدنيا خنزيره... يختي لا تذلييني
كل اثنين من ضلوعي يجرن نهر من غيره
وابوي الغطه بجفوني دمع عينه
خناجر ثار تشتاگ لمصاريني
يابويه... ياجاسي بدموعك محملي
يابويه يمنكس اعگالك ياصبر دير هلي

لصبغلك بعاشور بيرغ أسود
يشيل العنه
وأغسل اشليلي من الزنه
وابن الزنه
وانخه ابو الحمله علي
بلچن يردني لديرتي
ديره هلي

التعب... *

الى منعم العظيم....منعم حسن

أدور ع التعب بين الكراسي الخاليه من الناس
وابين الكراسي الغاصه بالناس
بين العرگ الي فصل جسدهم عن ملابسهم
بين احلامهم والواقع الفارغ من البهجه
وبين الفناجين المنقشه بألم كل مهجه
ادور عالتعب عند الطفل،...

من يلعب ويمرح ويتهجه
ادور ع التعب تفرغ الاحلام والرغبات
من الراس
ادور ع التعب بالشارع الممتلي بالناس العصر

* نشرت في جريده (كل شي) الاسبوعيه

واعمارهم تتساوه بينه صدفه
 ادور ع التعب بين النهد والنهد
 بين الشفه والشفه
 بين الطير وجناحه
 بين الالم والراحه
 بين الباب والمفتاح
 بين الجلمه من تلبس عرف وجناح
 بين الدمعه والاحساس
 بين الطوز والريح الخفيفه التصدم الشجره
 ادور عالتعب حر العواطف،...
 مثل ريح التوت ع الشجره
 ادور ع التعب بين الكشر واللب
 ادور ع التعب بالحب
 واطفر الحسن والحب
 موج البحر حبيبي وروحي محفوره
 ابجابه مشجره ع الباب
 وصبر يكبر صباحه وتطلع اشموسه على الاهداب
 عبر محتار في المي
 عبر في الفجر لفته بحنينه

خضره ع المدينه....وغره ع المدينه

مشت بين النسل روعي،

وحبيبي بالوصف مليون

ادور ع التعب بالتعب والتعبان

ادور ع التعب بالجرح من يلتم على الخنجر

ادور بالكلوب الميته عنه....

بكل وجه عرگان

رمحين الدرب والشمس بضلوعي

وحبيبي حسن يصفه بأخر دموعي

وما بين التباريح وحبيبي، الحسن يكبر دوم

عند النوم

يعثر الدرب بالگمر والمي دوم

المدينه سمچه خضره... والشمس شبچه

وجفن طلعت عليه شجره... ثمرها دموع

ياشجره اسمعي صوت النعي والناعي والمنعي

اسافر بالحلم لاسبانيا بغناوه من فيروز

اسافر بالحلم للقدس ابخنجر

ورق ينفذ على هدومي خضرته


وجناح احديه ميته

وعصافير ونست اصواتها بارزه
 وزهور الجبل مشتعله اساميهها بصدر وزه
 ونسيم ينام بين الدمعه واسلاك البريد
 اينام بين الكهوه والشارع
 جوه التخت بزونه تلحس احذيتنه
 ادور ع التعب بالنوم من تهجع مدينته
 مدينه هلي يا سرج التوايب
 اسيام تيولج المتشابجه بجفني كصايب
 واتريكاتها المتلولحه نهود
 والشارع السان طويل ممدود
 ايلگ الدم.. ايلگ المطر.. ودموع المصايب
 مدينه هلي تهجع هجعه الحود
 كبل غفو الدجاج او تفگع ويالغبش السود
 ويگبع ليلها ابعبى الظلام بيوتها وميها ونخلها
 وتوج الشمس بجروح اهلها
 وتاكل نارها جف الشعلاها
 ادور ع التعب بالحرف من يثگل المعنى
 ادور ع التعب بالمعنى من يصبح بلا معنى
 شوارع المدينه حاره وفي الشمس مكشوط

وعلى دمه حبيبي امشي... على هدي
 على الباقي من سني... على حبي
 ادور ع التعب من يختبي العاشگ بشعر حصان
 من يطلع حنين ويا الاظافر وردي
 من يطلع حنين ويا الشمس كل يوم
 من يوزع الدخان روي بكل مكان
 اتدور روي بكل مكان... اتدور
 ادور ع التعب بالليل من يرتاچ ع الذكرى
 من انتگط انجومه على فراشي
 ابر تطريز وتخيطني بفراشي
 واني والتعب والذكرى والاحلام
 اندور ع التعب والذكرى والاحلام
 نلنم نلنجم نلتهب نلنذر
 بين الصورة والايقاع
 بين الحلم والرغبة
 بين التربه والبذر
 بين الجفن والدمعه
 ومن ينكسر خاطر نلنحني ع خاطر المكسور
 على صبر الاحباب اعبر

يكبر بالوصف كل شي
ومن يطفر من الاظفر...
دمعي... اکتفي بدمعي

13/2/1968



طارق ياسين

طارق ياسين - شاعر شعبي عراقي. ولد عام 1938 وتوفي
8 أكتوبر (تشرين الأول) 1975

المسيرة التعليمية والتكوينية

- التحق بمعهد إعداد المعلمين في الأعظمية عام 1963، بعد اجتياز امتحان القبول الذي أُجري في أيلول/سبتمبر من ذلك العام.
- كان عضوًا نشطًا في فرقة التمثيل التي أسسها المخرج وجيه عبد الغني في المعهد.
- تعلّم العزف على الكمان على يد المُعَلِّم الموسيقي أكرم رؤوف، كما اهتمّ بتعلّم الخطوط العربية، خاصة خط الرقعة.
- بعد تخرّجه، تقدّم مع أصدقائه إلى الجامعة المستنصرية عام 1967، واختار قسم اللغة الإنجليزية

السمات الأدبية والفكرية

- يُعد من رواد الشعر الشعبي العراقي الحديث بعد مظفر النواب، لكنه سرعان ما شكّل تجربة مغايرة ومفردة.
- وُصِف بـ "شاعر المدينة"، فهو يعكس تحولات بغداد وحياتها اليومية، لا بلغتها فحسب، بل بفلسفتها، وتاريخها، وجغرافيتها، وهواجسها الوجودية.
- يتميَّز أسلوبه بـ:
- التجديد في اللغة والرؤية، والابتعاد عن المحلية المفرطة (مثل "الحسجة").
- الانشغال الفكري والفلسفي، وتأثره بالتيارات الفلسفية (مثل الوجودية)، لكن دون تقليد سطحي.
- الجمع بين السرد القصصي والدراما النفسية (مونولوج داخلي/حوار خارجي).
- استخدام إيقاعات عروضية متنوّعة (كالهزج والرجز) حسب تحوّل التقنية والمضمون.
- توظيف النكتة والسخرية الهدّامة (كما في القصائد "الحلمنّيشية") للنقد الاجتماعي والفكري.
- الغنائية المُبهمة، وتصوير التناقضات (الضوء/العتمة، الأمل/اليأس، المدينة/الريف، الحب/الغدر).

الأعمال الأدبية

أولاً: الأعمال المنشورة في حياته

- شارك في مجموعة مشتركة بعنوان "قصائد للمعركة" بعد حرب حزيران 1967.
- شارك في إصدار مجموعة "خطوات على الماء" (1970)، مع الشعارين عزيز السماوي وعلي الشباني.
- نشر بعض قصائده في صفحات أدبية في صحف ومجلات عراقية وأمسيات إذاعية، مثل برنامج "من الشعر الشعبي" بإذاعة بغداد (تقديم أبو ضاري).

ثانياً: الأعمال المخطوطة

1. ديوان "وضوح أول"
2. يُعتبر الديوان الرئيس في تجربته، ويشكل وثيقة تجديدية مبكرة بعد النواب.
3. يحتوي على قصائد قصيرة مكثفة، تشغل على: الوجود، التعب اليومي، المدنية، الحب المُعدّب، الصداقة، الفراق، السؤال الوجودي، النقد الاجتماعي.
4. مخطوطة الديوان وُجدت بعد وفاته، ونُسخت بعناية من قبل علي الشباني وأصدقاء الشاعر
5. طُبِع في عام 2013 عن دار ميزوبوتيميا البغدادية برعاية وتقديم من الكاتب العراقي سلام إبراهيم بعد جهود طويلة.

6. قصائد مشهورة ومنشورة جزئياً

7. "لا خبر...": من أشهر قصائده؛ حوّلها الفنان حسين

السعدي إلى لحن، وغناها فاضل عوّاد. تستخدم تقنية الحوار الخارجي وإيقاع الرجز.

8. "قطار الألم": قصيدة سرديّة درامية تُجسّد معاناة امرأة

مغتصبة تُجبر على الهجرة والعمل في "ماخور"، وتنتهي بتمني العودة إلى البصرة عبر نفس القطار. تستخدم المونولوج الداخلي والانتقال العروضي من الهزج إلى الرجز.

9. "حلب بن غريبة": أطول قصيدة في الشعر الشعبي

العراقي الحديث، مستوحاة من قصة.

10. أعمال بالفصحى

11. رواية "الكوميديا الوجودية" (أو "الكوميديا" فقط):

- وصفها سعدي يوسف (في مقال بجريدة الفكر الجديد بعد وفاة طارق مباشرة) بأنها "مهمة وجادة"، ودعا إلى نشرها.

- بقيت مخطوطةً، وتناقلها الأصدقاء؛ وُجهت دعوات متكرّرة للبحث عنها (ذكر أن المثقف عبد الرحمن طهمازي كان يحتفظ بها، لكن مصيرها لا يزال مجهولاً حتى عام 2025).

1. مجموعة قصص قصيرة ونصوص نقدية عن الشعر الشعبي العراقي.

المكانة الثقافية

- وُصف بأنه "عاش ومات في الظل"؛ لم يسعى إلى

الشهرة أو الانتماءات الأيديولوجية، رغم التماس المباشر مع قضايا العدالة والحرية.

- كان مناضلاً ثقافياً يرفض الظلامية والطغيان، ويُعارض استغلال الأدب لأغراض سياسية دعائية (كما رفض كتابة قصيدة للاتحاد الاشتراكي، وكتب بدلاً منها قصيدة ساخرة بعنوان "كاكي كاكي يا دجاجة...").
- عرف بحساسية الإنسانية العالية، والتعاطف مع المقهورين، والجرأة في ملامسة المحرمات.
- كان متعدد المواهب: شاعر، راوي، عازف كمان، خطّاط، ناقد، كاتب تمثيلات إذاعية.
- تشكّلت ثقافته من اطلاع واسع على: الأدب العالمي، الفلسفة، المسرح، السينما، الفنون التشكيلية، والتراث الشعبي والديني.

ذكراه وتأثيره

- نُشرت دراسات عنه في:
- جريدة الوفاق (1995، الذكرى العشرون لرحيله)
- مجلة الثقافة الجديدة (1996)
- موقع الحوار المتمدن (2011)
- مقالات تذكارية لـ عبد الرضا علي (2022) وغيرها.

- تُعتبر تجربته علامة فارقة في مسار الشعر الشعبي العراقي: فهي تجاوزت الرومانسية والاحتجاج المباشر، لتصوغ رؤية مدنيّة-وجودية مُركّبة، تجعل من "بغداد" فضاءً شعريًا كاملاً (كما عند أبي نواس)، لكن بلغة عراقية معاصرة.